

四庫全書

經部

欽定四庫全書

經部
書傳輯錄纂註

卷五

詳校官監察御史臣查善長

通政使司副使臣莫瞻菴覆勘

總校官降調編修臣倉聖脉

校對官中書臣王慶長

謄錄監生臣李鍾岳

欽定四庫全書

書傳輯錄纂註卷五

元董鼎撰

召誥

左傳曰武王克商遷九鼎于洛邑史記載武王言我南望三塗北望敝郛顧唐有河

粵唐洛伊毋遠天室營周居于洛邑而後去則
乞洛者武王之志周公成王成之召公實先經
理之洛邑既成王始政召公因周公之歸作
書致告達之于王其書拳拳於歷年之久近反
復乎夏商之廢興究其歸則以誠小民為祈天
命之本以疾敬德為誠小民之本一篇之中屢
致意焉古之大臣其為國家長遠慮蓋如此
以召公之書因以召誥名篇今文古文皆有

纂

註

王氏曰洛者天下之中以天事言止道里均焉見下自服土中傳非特如此而已然三監

之難張殷頑民遷以自近洛距妹邦為近則易使之遷作王都焉則易以鎮服也雖然錫京宗廟社稷官府宮室具在不可遷也故於洛邑會諸侯而已陳氏大猷曰成王實都錫京特往來朝諸侯祀清廟於洛故錫京謂之宗周以其為天下所宗也洛邑謂之東都又謂之成周以周道成於此也洛邑天下之至中豐錫天下之至險成王於洛邑定鼎以朝諸侯所以承天地沖和之氣宅土中以蒞四海其示天下也公於錫京定都以壯基本所以據天下形勝處上游以制六合其慮天下也遠漢唐竝建兩京蓋亦深識形勢之所在而有得於周公成王之遺意歟

林氏曰周自后稷始封於邠在漢右扶風郿縣夏后政棄稷之子不窋出奔于戎狄之間至孫公

劉始立國於豳在柵邑幽鄉十世至太王避狄人遷於岐山之下在美陽縣岐山文王遷于豐在鄠縣東豐水武王遷於鎬在長安西南昆明北所謂鎬池也岐在鄠西北無百里幽又在岐西北四百餘里豐在岐山東南二百餘里鎬在豐東二十五里新安陳氏曰宅洛之事武王志之成王述之工告祖廟述咨大臣一日而建千萬年宅中國大之基謹重如此以至于召公囿周公之歸而作誥以告王序不及之何也宅中國大囿難保大定功尤難王之在豐召之相宅囿見宅中國大之難矣召公舉舉以敬德永命戒王敬不敬之異效凡七言之至謂不敬德則必墜厥命其辭甚危見保大定功之尤難也愚案書說中有朱子集解召誥及洛誥之半其閒閒出已說文義及分節處與蔡氏多異蓋未定本也蔡已撮取之其餘尚有當來者今各入

輯錄纂註
以備考

惟二月既望越六日己未王朝步自周則至于豐

日月相望

謂之望既望十六日也己未二十一日也周鎬京也去豐二十五里文武廟在馬成王至堂以宅洛之事告廟

也

輯註

豐鎬去洛邑三百里長安所管六百里王畿千里亦有橫長處非若今世畫圖之為方也恐并

田之制亦是此類此不可執畫方之圖以定之或問周都豐鎬則王畿之內當有西北之戎如此則稍甸縣都如之何其可為也先生曰周禮一書聖人作為一代之法爾列不可用法處聖人須別有權變之道故格言

纂註

王氏曰以腦望明魄紀月以甲子紀日書法也林氏曰漢志曰周公攝政七年二月己未朔庚寅既

望惟太保先周公相宅越若來三月惟丙午朏越三

日戊申太保朝至于洛卜宅厥既得卜則經營

成王在
豐使召

公先周公行相視洛邑越若來古語辭言召公於豐迤邐而來也

五日也卜宅者用龜卜宅都之地既得吉卜則經營規度其城郭宗廟廊社朝市之位

纂註

林氏曰漢

志曰三月甲辰朔三日丙午元城劉氏曰越若發語聲來三月猶言明三月也息齋余氏曰越若朱子既采劉

說見集解中宜從之不必言召公迤邐而來也**越三日庚戌太保乃以庶殷攻**

位于洛汭越五日甲寅位成

庶殷者意是時殷民已遷于洛

故就役之也位成者左祖**纂註**唐孔氏曰庚戌三月七日社前朝後市之位成也

葉氏曰攻位者闢荆棘平高下以定所經營之位也庶殷所遷殷民也庶民為役則友民可知林氏曰盤庚之

遷亳太王之遷岐衛文之遷楚邱未嘗不卜然君臣既有定議故至洛乃卜洪範所以先乃心卿士庶民而後卜筮也太王事來胥宇而後爰契我龜衛文望楚與堂而後卜云其吉皆此類也 若翼日乙卯

周公朝至于洛則達觀于新邑營

周公至則徧觀新邑所經營之位

纂

註

唐孔氏曰乙卯十二日也蘇氏曰來後篇是日再卜呂氏曰召公已成位周公方來觀上相之體然也

越三日丁巳用牲于郊牛二越翼日戊午乃社于新邑

牛一羊一豕一

郊祭天地也故用二牛社祭周太牢禮也皆告以營洛之事

纂註孔

氏曰丁巳十四日也戊午十五日也孔氏曰郊以后稷配故牛二唐孔氏曰祀从公羊皆曰養牲必養二帝牛不吉以為稷牛呂氏曰郊祭天社祭地孔氏曰社稷共牢馬氏曰言社則稷在其中陳氏曰郊不曰新邑者

鄭在國外社在國內故也 王氏曰於尊以簡為誠於
早以豐為貴故鄭特牲而社稷太牢先祭告於鄭社然
後用工 陳氏大猷曰此蓋即洛邑新立之鄭社以告
作洛於天地不告廟者在豐已告也時洛邑宗廟未成

故至十二月始 越七日甲子周公乃朝用書命庶殷侯
丞祭宗廟也

甸男邦伯

書役書也春秋傳曰士彌年營成周計大數
揣高低度厚薄仞溝洫物土方畿遠邇量事

期計徒庸慮材用書糗糧以令役於諸侯亦此意王氏
曰邦伯者侯甸男服之邦伯也庶邦冢君武在而獨命

邦伯者公以書命邦伯而 纂註 唐孔氏曰甲子二十一
邦伯以公命命諸侯也 日也書賦功屬役之書

也侯甸男服之邦伯不徧舉五服者文略耳邦伯
州牧也 葉氏曰不及采衛者不以遠役衆也

厥既命殷庶殷丕作

丕作者言皆趨事赴功也殷之
頑民若未易役使者然召公率

以攻位而位成周公用以書命而不作殷民之難化者猶且如此則其悅以使民可知也纂註曰孔氏

作言勸事陳氏大猷曰獨言庶殷不作則諸侯可知

新安胡氏曰觀此則殷民之遷在未作洛之前必矣

林氏曰召公營洛自戊申至甲寅七日而成周公總

至自乙卯距甲子十日而用書庶殷不作周召之規模

其敏如此總而計之自成王至豐距甲子凡一月耳萬

年之業成於一月之間此豈後世可及哉新安陳氏

曰讀此當參看洛誥洛誥曰子惟乙卯朝至于洛師我

卜河朔黎水云云此云乙卯周公朝至于洛其日同但

洛誥言是日再卜此不言者周公之吉卜不殊召公之

吉卜也兼洛誥自詳之此可略也乙卯至甲子十日

即日卜及達觀新營丙辰不言事蓋丁巳戊午將行郊

社大禮前一日養精神以無為也已未至癸亥五日又

不言事乃將用書命丕作竭精神以有為也此五月中

必會集臣庶計大數揣高卑等事役書一定然後甲子

朝頒布之洛誥脫簡之在康誥者曰惟三月哉生魄周公初基止乃洪大誥治即是三月十六日己未戊午祭社復一日也曰大誥治即用書命丕作也細而考之賸合無閒誰謂殘編斷簡不可見聖人經理之微密哉

太保乃以庶邦冢君出取幣乃復入錫周公曰拜首稽

首旅王若公誥告庶殷越自乃御事

呂氏曰洛邑事畢周公將歸宗周召

公因陳成王乃取諸侯贊見幣物以與周公且言其拜手稽首所以陳王及公之意蓋召公雖與周公言乃欲周公聽諸侯之幣與召公之誥併達之王謂洛邑已定欲詰告殷民其根本乃自爾御事不敢指言成王謂之御事猶今稱
輯錄據召誥文只說召公先至洛而周人為執事也
公繼至不說成王亦來也然召公出取幣入錫周公乃曰旅王若公其辭又多成成王未知如何先生曰此蓋因周公以告于王耳答潘子善

纂註

王氏曰庶邦冢君諸侯會于洛者洛邑成而獻幣所以為禮且致慶也新安陳氏曰作洛之急務在

化殷人而化殷之大者幣特恭敬之寓焉耳取幣獨言庶邦而不及庶殷者蓋用書命丕作無間於庶殷而取幣陳王不及庶殷歟

嗚呼皇天上帝改厥

元子紃大國殷之命惟王受命無疆惟休亦無疆惟恤

嗚呼曷其奈何弗敬

此下皆告成王之辭託周公達之王也曷何也其語辭商受嗣天位

為元子矣元子不可改而天改之大國未易亡而天亡之皇天上帝其命之不可恃如此今王受命固有無窮之美然亦有無窮之憂於是歎息言王曷其奈何弗敬乎蓋深言不可以弗敬也又案此篇專主敬言敬則誠實無妄視聽言動一循乎理好惡用捨不違乎天與天同德固能受天明命也人君保有天命其有要於此哉

伊尹亦言皇天無親克敬惟親
敬則天與我一矣尚何疎之有
輯錄此數句者一篇之

之元子纂註新安胡氏曰下文以至終篇不過反覆數
也書說演此數句之意耳呂氏曰人君代天作

子是為天之長子真氏曰大明詩云天位殷適使不
挾四方亦改厥元子大國殷命之意新安陳氏曰此

元子字當與下文元子哉對觀元子天之元子即大君
者吾父母宗子之意此元子謂殷紂後元子謂成王天

命靡常人君所以保天命惟有敬耳昔殷元子嘗受天
命矣天竟改其命而王受之固有無窮之美然今日之

受安知不為他日之改是亦有無窮之憂也何可以不
敬哉此一節始曰嗚呼末又曰嗚呼元老大臣拳拳忠

愛嗟歎以深警上心不能自已之至情也天既遐終大邦殷之命茲殷多先

哲王在天越厥後王後民茲服厥命厥終智藏瘝在夫

知保抱攜持厥婦子以哀籲天徂厥亡出執嗚呼天亦

哀于四方民其眷命用懋王其疾敬德

後王後民指受也此章語多難

解大意謂天既欲遠絕大邦殷之命矣而此殷先哲王其精爽在天宜若可恃者而商紂受命卒致賢智者退藏病民者在位民困虐政保抱攜持其妻子哀號呼天往而逃亡者出見拘執無地自容故天亦哀民而眷命用歸於勉德者天命不常如

纂註

孔氏曰殷多先哲王精神在天不能救者

以紂不行敬故漢工朱氏曰人之死各返其根體魄陰也故降而在下魂氣陽也故升而在上則無不之矣衆人物欲蔽之故魂散而氣不能升惟聖人清明在躬志氣如神故其死也精神在天與天為一葉氏曰智藏瘞在言至紂而愚其智則藏而獨病民之心存也籲和也祈和於天也唐孔氏曰夫猶人也言人人皆然

新安胡氏曰當如傳所謂故夫致死焉之夫袁氏曰疾
敬德者更無等待遲疑只今便下手新安陳氏曰祖宗
之不可憑藉如此言外之意蓋謂成王今日安可盡恃
太王王季文武也此章言天命不可恃祖宗不可恃惟
敬德庶可凝固天命而延續祖德爾敬德而言疾最有
力蓋人心操則存舍則亡必繫著精神汲汲用工則莊
敬日強而能敬苟悠悠玩怠則安肆日偷而不能敬矣
後又言肆惟王其疾敬德一篇綱領在敬字而敬之工
夫又在

疾字

相古先民有夏天迪從子保面稽天若今時既

墜厥命今相有殷天迪格保面稽天若今時既墜厥命

從子保者從其子而保之謂禹傳之子也面鄉也視古
先民有夏天固啟迪之又從其子而保佑之禹亦面考
天心敬順無違宜若可為後世憑藉者今時已墜厥命
矣今視有殷天固啟迪之又使其格正夏命而保佑之

湯亦面考天心敬順無違宜亦可為後世憑藉者今
時已墜厥命矣以此知天命誠不可恃以為安也
輯

錄

此一節間有不
可曉處書說

纂註

林氏曰格與惟帝降格于夏之
格同天欽迪之又降格而保佑

之降格謂下臨之也新安陳氏曰從其子而保之即孟
子天與子則與子之意開萬世傳子之端自禹始故於
夏言從子保而於商只言格保蒙上文也兩面稽天若
即對越在天之意此一節蓋謂天與祖宗皆不可恃也

今沖子嗣則無遺壽者曰其稽我古人之德矧曰其有

能稽謀自天

稽考矧況也幼沖之主於老成之臣尤易
疎遠故召公言今王以童子嗣位不可遺

康老成言其能稽古人之德是固不可遺也況言其能
稽謀自天是尤不可遺也稽古人之德則於事有所證
稽謀自天則於理無所遺無遺壽考蓋
君天下者之要務故召公特首言之
輯錄 已陳夏商
敬德墜命

之所由又成王也書說

嗚呼有王雖小元子哉其不能誠于小民

今休王不敢後用顧畏于民

召公歎息言王雖幼冲乃天之元子哉謂其年

雖小其任則大也其者期之辭也誠和暑險也王其大能誠和小民為今之休美乎小民雖至微而至為可畏

王當不敢緩於敬德用顧畏于民之暑險可也

纂註

蘇氏曰民猶水也水能載舟亦能覆舟物無險於民

者矣新安陳氏曰誠于小民而今休矣猶欲王汲汲於畏民暑者蓋民之暑險可畏常伏于大和盛美之中恃其已和且美而不回顧却慮以畏之則福兮禍所伏矣此所以為險也是以莊生曰人心險於山川王來

紹上帝自服于土中旦曰其作大邑其自時配皇天

祀于上下其自時中乂王厥有成命治民今休

洛邑天

故謂之土中王來洛邑繼天出治當自服行於土中是
時洛邑告成成王始改故召公以自服土中為言又舉
周公嘗言作此大邑自是可以對越上天可以饗蒼神
祇自是可以宅中國治成命者天之成命也成王而能
紹上帝服土中則庶幾天有成命治民今即休美吳王
氏曰成王欲宅洛邑者以天事言則日東景朝多陽日
西景夕多陰日南景短多暑日北景長多寒洛天地之
中風雨之所會陰陽之所和也以人事言則四方朝聘
貢賦道里均焉

輯錄

言王來居洛邑繼天為治服事也
故謂之土中

句王來為王亦至洛邑之驗恐未必然但王命來此定
邑耳 稱周公言當作太邑而自此以祀上帝以及慎

祀上下神祇又自此居中以為治則是王受天成
命以治民矣蓋召公述周公宅洛之意始末說

纂註

陳氏大猷曰君前臣名故稱旦曰又舉周公之言以告
謂本作大邑其自是而配天使仰無愧於天自是而必

祀工下使幽無愧於鬼神自是而宅中為治使俯無愧
於民王其有成命而治民今休可也周公所期如此之
重王可不思所以稱之新安陳氏曰作洛之事召公任
之而未嘗明言之至此方言服于土中而舉周公之言
以見作洛所以配上帝奉祭祀成治功凝天命其重如
此蓋下文將自進其敬德祈天之忠言所以先引周公
期望之語以

期其端也

王先服殷御事比介于我有周御事節性

惟日其邁

言治人當先服乎臣也王先服殷之御事以
親近副貳我周之御事使其漸染陶成相觀

為善以節其驕淫之性
則日進於善而不已矣

王敬作所不可不敬德

言化臣
必謹乎

身也所處所也猶所其無違之所王能以敬為所則動
靜語默出入起居無往而不居敬矣不可不敬德者甚
言德之不輯錄王敬作所不可不敬德只是一句工夫
可不敬也輯錄王敬作所不可不敬德只是一個工夫

緊要處只是惟王不**纂註**林氏曰周遷殷頑民于洛蓋可不敬德而已人傑

習不同非有以和一之不能相安以處故必有以服殷御事使之親比介助於周之御事然後可蓋周御事習於教令無事於服之故以服殷御事為先也然服殷御事在節其性而已蓋人性無不善殷人特化紂之惡是以不義之習遂與性成而忘反耳上之人有以節之使日進於善則與周人亦何異哉然欲節民之性又在王之所化故王又當以敬為其所不可不敬之德以率之非政刑所及也或曰服亦事也猶任也在殷人為御事使之佐我周之御事蓋欲其共事相習以成善且使上下道情易以行化然後有以節其性而日進於善王則惟作所不可不敬德以率之而已陳氏大猷曰既以周臣率之使之相觀而善又以身率之使之下觀而化也新安胡氏曰王敬作所不可不敬德朱子本孔氏只作一句說蔡氏以所字為句作兩句說真氏已記以蔡說為

長然蔡說自呂氏來傷無考耳新安陳氏曰殷人漸於舊染而其性流今欲節之而使其性復亦惟化之以敬德爾敬者一身之主宰性即心所具之理也敬則此心收斂於天理之中而性可節不敬則此心放縱於人欲之偽而性日流日其邁即上達反天理而日進乎高明之意也然王豈為化商而始勉強於敬哉將自敬為我所不可不敬之德而已謂之不可不敬蓋敬人心所當然而不可不然者非有所勉強而然如飢食渴飲之常無所為而為者也能如是則敬盡於此而人化於彼矣

我不可不監于有夏亦

不可不監于有殷我不敢知曰有夏服天命惟有厯年我不敢知曰不其延惟不敬厥德乃早墜厥命我不敢知曰有殷受天命惟有厯年我不敢知曰不其延惟不

敬厥德乃早墜厥命

夏商歷年長短所不敢知我所知者惟不敬厥德即墜其命也與上

章相古先民之意相為出入但上章主言天
纂註林氏

界之不足恃此則直言不敬德則墜厥命爾
纂註曰古

人於天命不以為必有不以為必無故召公於歷年不
其延皆不敢知者疑之也至於敬德則有應年不敬德

王乃初服

今王繼受天命我謂亦惟此夏商之命當嗣

乃新邑初政服

纂註

陳氏大猷曰此章言尤懇切新

行教化之始乎
纂註安陳氏曰王乃初服者苦始可以

占終法二國之敬德而歷年尤當謹之初服也此句蔡
呂以屬上章孔未真陳以冠下章使與初生初服宅新

邑為一套語亦通但此句實結上生下
若生子一段議論實因此句而申明之

嗚呼若生子罔

不在厥初生自貽哲命今天其命哲命吉凶命歷年知

今我初服

歎息言王之初服若生子無不在於初生習為善則善矣自貽其哲命為政之道亦猶是

也今天其命王以哲乎命以吉凶乎命以歷年乎皆不可知所可知者今我初服如何爾初服而敬德則亦自

貽哲命而吉與歷年矣

宅新邑肆惟王其疾敬德王其德之用祈

天永命

宅新邑所謂初服也王其疾敬德容可緩乎王其德之用而祈天以歷年也

輯錄

之王

初服不可不謹其習猶子之初生不可不慎其初所教蓋習於上則智習於下則愚矣故今天命正在初服之時敬德則哲則吉則歷年不敬則愚則凶則短折也天無一物之不體已知我初服宅洛矣王其可不疾敬德哉所以求天永命者只在德而已矣此書說王乃初服至命歷年為一節知今我初服至祈天永命為一

節纂註

陳氏曰自貽哲命命在我也天其命哲命在天
呂氏曰人自初生而保養乃可以全其善

哲命者人心所有之明哲非自外來也林氏曰天以
正性命人初無智愚之別所以有智愚者於已取之而
已下愚為自暴自棄則上智豈非自貽乎葉氏曰哲
命以哲為天所命也新安胡氏曰案呂林皆以哲命
為性命之命然哲命之哲不應遽有性命泰命之分當
以葉氏之說為正真氏曰天命至公不可以求而得
也曰祈者蓋一於用德乃不祈之祈也呂氏曰祈永
命無他術惟敬德為可耳曰祈者欲王知天命之未定
也新安陳氏曰明哲之性與生俱生初生之時習於
善則明可作哲習於惡則靡哲不愚哲則為天所命愚
則天命焉是自貽哲命如所謂自求多福此所謂無
不在其初生時自貽哲命者王之初服亦猶是也此一
節發明王乃初服之意蓋今日什邑而自服土中乃所
謂初服是又中天下定四海之一初也天之命吉凶判

於此王之能敬德祈永命與不能亦判於此召公所以欲王乘此一初之機而疾敬德也疾敬德則能用德疾云者欲其乘此機而速勉之有今周從之謂也肆惟王其疾敬德蓋申前王其疾敬德之路而致重複懇切之意其惟王勿以小民淫用非彝亦敢殄戮用乂民若有

功

刑者德之反疾於敬德則當緩於用刑勿以小民過用非法之故亦敢於殄戮用治之也惟順導民則可

有功臣猶水也水泛濫橫流失其性矣然壅而遏之則害愈甚惟順而導之則可以成功其惟王位

在德元小民乃惟刑用于天下越王顯

元首也居天下之上必有首天

下之德王位在德元則小民皆儀刑用德于下於王之德益以顯矣輯錄

書說其惟王勿

顯為一節纂註

蘇氏曰商俗靡靡其過用非常也久矣召公戒王勿以小民過用非常之故亦敢於法外

殄戮以治之蓋民之有過罪實在我及其有功則王亦有德何也王之位民德之先倡也如此則法行於天下而王亦顯矣陳氏大猷曰順夏商之有功者猶上言嗣若功王位不在於土地人民惟在德元而已德元亦猶乾元坤元之始生萬物者也呂氏曰以小民淫用非彝而致於殄戮忿疾一生則損君德矣人君之德止於好生元者善之長君以德元覆冒天下安可以小民淫用遂損君德新安胡氏曰至此則非彝之小民化為用德之小民正所謂若順導之而有功者王真以尚刑不尚德為哉

上下勤恤其曰我

受天命丕若有夏歷年式勿替有殷歷年欲王以小民

受天永命

其亦期之辭也君臣勤勞期曰我受天命大如有夏歷年用勿替有殷歷年欲兼夏殷

年之永也召公又繼以欲王以小民受天永命蓋以小民者勤恤之實受天永命者一年之實也蘇氏曰君臣

一心以勤恤民庶幾王受命歷輯錄以小民如以某

年如夏商且以民心為天命也師之以書說纂

註

林氏曰王能敬德于上而小民儀刑于下則天永命之矣所謂用小民以受天永命也呂氏曰召公拳

拳言小民者國之根本全在小民其興其亡不在大族不在諸侯止在小民之身真氏曰前言王其德之用

祈天永命此言欲王以小民受天永命蓋永命之道無他惟修德與愛民而已命在天於小民何與蓋天無心

以民為心耳一篇之中言敬者凡七八曰曷其奈何弗敬曰王敬作所曰不可不敬德曰王其疾敬德兩言惟

不敬厥德乃早墜厥命曰肆惟王其疾敬德言之諄望之切老臣事少主懋懋之心也異時成王為守文今主

而周家卜世卜年過於夏商且過其歷然後知拜手稽召公之言真人主之藥石國家之著龜也哉

首曰予小臣敢以王之讎民百君子越友民保受王威

命明德王末有成命王亦顯我非敢勤惟恭奉幣用供

王能祈天永命

雖民殷之頑民與三監叛者百君子殷之御事庶士也友民周之反順民也保

者保而不失受者受而無拒威命明德者德威德明也保末終也召公於篇終致敬言予小臣敢以殷周臣民保受王威命明德王當終有天之成命以顯於後世我非敢以此為勤惟恭奉幣幣用供王能祈天永命而已蓋奉幣之禮臣職之所當恭而祈天之實則在王之所自盡也又案恭奉幣意即上文取幣以錫周公而旅王者蓋當時成王將舉新邑之

纂註

林氏曰雖民百君子猶祀故召公奉以助祭云

蘇氏曰百君子殷周之賢士大夫薛氏曰先儒民後友民者作洛以鎮靜商人為先也與前言先服殷御事同意陳氏組曰保受王之威德奉行之此臣之職也王既有成命當求所以永命成命在今日永命在子孫

保受王之威德者臣下之所能至於祈天永命則非人
臣之所能在人君疾敬德以祈天命我非敢勤者召公
不敢自以治洛為功勞也至此則責望於王之身者甚
重恐成王專倚恃臣下也我但能恭奉幣以供王慶王
之能祈天永命而已則祈天永命在王而不在召公矣
陳氏大猷曰篇終復總始末之要以告王敢以儆民
等保受威命明德者因庶殷侯甸和會作洛而言敢以
者自任之辭如命侯甸庶殷即王之威命宅洛圖治即
王之明德和會丕作即保受也王末有成命與上王履
有成命相應王亦顯與上越王顯相應然我非敢自以
為功勤慮王以為人心已從天命已定而自足也惟恭
奉幣指前取幣旅王而言供王能祈天永命將以致慶
而已期望不已之意可謂婉而篤矣記曰頌而無諂諫
而無驕召公以之新安陳氏曰所謂能祈天永命不
遇上文敬德愛小民之事敬德愛小民即祈天永
命之能也上文已盡之故於篇終特以能字該之

洛誥

洛邑既定周公遣使告卜史氏錄之以為洛誥又并記其君臣答問及成王命周公

留治洛之事今文古文皆有案周公拜手稽首以下周公授使者告卜之辭也王拜手稽首以下成王授使者復公之辭也王肇稱殷禮以下周公教成王宅洛之事也公明保予沖子以下成王命公留後治洛之事也王命予來以下周公許成王留洛君臣各盡其責難之辭也倅來以下成王錫命懿殷命寧之事也戊辰以下史又記其祭祀冊誥等事及周公居洛歲月久近以附之以見周公作洛之始終而成王舉祀發政之後即歸于周而未嘗都洛也輯錄因讀尚書先生曰其間錯誤解不得處然多昔呂伯恭解書因問之云尚書還有解不通處答曰無有因舉洛誥問之云據成王只使周公往營洛故倅來獻圖及卜成王未嘗一日居洛後面

如何却與周公有許多答對又云王在新邑此
如何解伯恭遂無以答後得書云誠有解不得
處難洛誥之文有不可曉者其後乃言王在新
邑而其前已屢有答問之辭矣答諸子書

纂註

萊氏曰此篇當與召誥參看蓋非一時之
言史取周公得卜至遣使告卜相與往來

告戒本末序次之以示後世也王氏曰此誥
有不可知者當闕之而釋其可知者新安陳
氏曰此篇大可疑者惟有公告王宅洛行祀出
命之辭而不載王至洛之事與其日月觀十二
月在洛祭告命周公留治洛之事尚謹書之則
自三月後至十二月前此數月中至洛之大事
其當書也必矣又此篇首章九句脫簡在康誥
之首則首至洛之事其脫簡又可想矣且孺子
其朋及汝惟沖子惟終等處聲牙難通又王曰
公功朕迪篤之下無周公答辭而即又繼以王

曰豈非此等處有脫簡錯簡邪姑從諸說可也

周公拜手稽首曰朕復子明辟

此下周公授使者告卜之辭也拜手稽首者史

記周公遣使之禮也復如逆復之復成王命周公往營成王周公得卜復命于王也謂成王為子者親之也謂成王為明辟者尊之也周公相成王尊則君親則兄之子也明辟者明君之謂先儒謂成王幼周公代王為辟至是反政成王故曰復子明辟夫有失然後有復武王崩成王立未嘗一日不居君位何復之有哉蔡仲之命言周公位冢宰正百工則周公以冢宰總百工而已豈不彰彰明甚矣乎王莽居攝幾傾漢鼎皆儒者有以啟之是不可以不辨蘇氏曰此下有脫簡在康誥自惟三月哉生魄至洪大誥治四十八字

纂註

曰周公言我復還明君之政于子子成王年二十成人故必歸政而退老王氏曰云云朱子采之集解竝見

蔡傳程子曰猶言告嗣天子王矣
某氏曰復如孟子有復于王之復自孔氏以復子明辟謂周公攝而歸政之辭古今儒者從之不敢易獨王氏以為不然世或末之信焉以予考之周公踐天子位以治天下初無經見獨明堂位云爾明堂位非出吾夫子也蓋武王崩周公以冢宰攝政此禮之常攝者攝其事非攝其位世見周公在喪之攝不知其非以成王幼而攝故至卜洛猶有歸政之言則王氏之言為有證
蔡初王氏曰篇末七年之說陳氏引記禮為證固也然踐天子位又不可不闕
新安陳氏曰宋王莽廢漢孺子嬰為安定公執其手流涕曰昔周公攝位終得復子明辟今予獨迫皇天威命不得如意蓋因孔氏釋經之誤莽遂借此以文其
王如弗敢及天基命定命予乃膺保大相東土其基

作民明辟

凡有造基之而後成成之而後定基命所以成始也定命所以成終也言成王幼冲退記

如不敢及知天之基命定命予乃繼太保而往大相洛邑其庶幾為王始作民明辟之地也洛邑在鎬京東故

曰東輯錄周公不欲斥言王幼不能故言王若不故以土天之初命定命則不得不嗣攝政事保佑王躬

而相此洛邑以為王當於此纂註王氏曰承天命以初作民主也書既來用一記纂註作新邑是謂基命都

邑既成久安長治是謂定命葵初王氏曰語予惟乙錄釋肩保不若傳順正與太保先周公相宅合

卯朝至于洛師我卜河朔黎水我乃卜澗水東瀍水西

惟洛食我又卜瀍水東亦惟洛食倅來以圖及獻卜

卯

即召誥之乙卯也洛師猶言京師也河朔黎水河北黎水交沅之內也澗水東瀍水西王城也朝會之地瀍水東下都也處商民之地王城在澗瀍之間下都在瀍水之外其地皆近洛水故兩云惟洛食也食者史先定墨

而灼龜之兆正食其墨也。俾使也。圖纂註蘇氏曰：「紫水洛之地，圖也。」獻卜獻其卜之兆，辭也。今紫陽也。

呂氏曰：「卜都之意，主於商民先卜河朔。紫水者，國其所以安也。」意在近地者，商民之心，意在地中者，周公之心。竝

列二說以聽於天而已。卜紫於先者，先人後已之心也。紫既不吉，改卜洛邑，龜乃協從。蓋周公之心，即天心也。

無間故無違也。史氏漸曰：「世或謂周公三卜而後洛初於紫，水再於澗，東瀍西又於瀍，東皆不若洛之吉。豈

知澗瀍之東西，即洛之中也？澗水之東，即洛之偏也。同名為洛，而王城、顧民之居不同，非洛自為洛，澗瀍自為

澗瀍，洛邑居天下之中，伊洛澗瀍實周流於其間。天子南嚮，則澗水在洛之右，瀍水在洛之左。周公於澗瀍之

中，龜兆吉，遂營王城以建王宮，定郊社宗廟，是為郊廓之地。今之河南是也。又循之左，越瀍水之東，龜復告

吉，遂營下都，名曰成周。又曰：「東郊以居殷。」王拜手稽首。民今之洛陽是也。二城相距蓋十有八里。

曰公不敢不敬天之休來相宅其作周匹休公既定宅
俾來來視予卜休恒吉我二人共貞公其以予萬億年

敬天之休拜手稽首誨言

此王授使者復公之辭也王拜手稽首者成王尊與周公

而重其禮也匹配也公不敢不敬天之休命來相宅為周匹休之地言卜洛以配周命於無窮也視示也示我以卜之休美而常吉者也二人成王周公也貞猶當也十萬曰億言周公宅洛規模宏遠以我萬億年敬天休命故又拜手稽首以

輯錄

拜受公言猶禹之拜昌言也書說

纂註

呂氏營

洛實配宗周其作我周匹休之地匹者對宗周之辭我與公其共貞固守此基業乎以予者使之之辭倚之者甚重而望之者甚長也或曰王不在洛言來者順公所

在而言

王氏十朋

曰詩之作豐伊匹與此匹休同意

夏氏曰貞如厥賦貞之貞謂相當也王欲與公共當此吉祥葉氏曰凡卜有貞其吉凶者太卜言國大遷

大師則貞龜二人皆知其吉斷而以示天下也王氏曰言宅洛之事定矣公當以予永遠敬天之休以承此

休常吉之卜也新安胡氏曰視與周公曰王肇稱殷示同古字通用漢書凡示字例作視

禮祀于新邑咸秩無文

此下周公告成王宅洛之事也殷咸也與五年再殷祭之殷同

秩序也無文祀典不載也言王始舉威禮祀于洛邑皆序其所當祭者雖祀典不載而義當祀者亦序而祭之

也呂氏曰定都之初肇舉威禮大饗羣祀雖祀典不載者咸秩序而祭之有告焉有報焉有祈焉始建新都昭

假上下告成事也兩賜時若大役以成報神賜也自今以始永奠中土祈鴻休也後世不知祭祀之義鬼神之神

德觀周公首以祀于新邑為言若濶於事情者抑不知人主臨鎮新都之始齊放一心對越天地達此精明之

德放諸四海無所不準而助祭諸侯下逮胞翟之賤亦皆有孚顙若收其放而合其離蓋格君心萃天下之道莫要於此宜周

輯錄

自此以下漸不可曉蓋不知是何時所言傳疏以為王與公俱在洛

對問之言葉氏以為王得卜而至洛既祭復歸錫固留周公居守而周公有此言皆不可考然葉氏說後數章

貫穿今從

纂註

復齊董氏曰易曰殷薦之上帝禮有殷祭殷奠皆取殷或之義新安陳氏曰

王氏謂此殷禮疑即篇末十二月戊辰之祭史述其語於前而記其事於後也竊意十二月之祭不過以周公治洛之事就冬烝以告文武耳此曰殷禮曰秩無文乃非常盛禮豈十二月之祀足以當之三月後以至十一月王必當親至洛行大祀禮今脫去矣自此下至無遠用戾乃洛邑既成公自洛歸錫告王以宅洛所當行之事及欲退老之辭也肇稱殷禮以下乃周公至錫請王往新邑樂祀禮及朝諸侯證之召誥公至洛定宅後

當還錫京觀召公取諸侯之幣錫公由公以達王則可見矣
見矣獮子其朋以下必有訛誤脫簡漏却王祀新邑必

在北處
無疑也
予齊百工倅從王于周子惟曰庶有事
周公言于整齊

百官使從成王于周謂將適洛時也予惟謂之曰庶幾
其有所事乎公但燬示其意以待成王自教詔之也

輯錄
北本其攝政時言也齊百工謂百官總已以聽也周謂宋周也言我所總百官因使之從王于周而

我則未敢歸周恐新
纂註
夏氏曰王祭于新邑我則整
邑之有事也書說
齊百官使從王往新邑惟謂

百官言汝從王而往庶幾必有事於周欲禮樂自天子
出也
新安陳氏曰周公言我今整齊其營洛之百官

使從王于宗周我惟謂之曰王庶幾將適新邑而有事
乎國之大事在祀與戎故古人於祭祀皆曰有事公但

傲示王將行祀事於洛之意於
今王即命曰記功宗以
百官以待王之自教詔之也

功作元祀惟命曰汝受命篤弼

曰功宗功之尊顯者祭法

旄於民則祀之以死勤事則祀之以勞定國則祀之能樂大災則祀之能捍大患則祀之蓋功臣皆祭於大烝

而勲勞之最尊顯者則為之冠故謂之元祀周公敎成王即命曰記功之尊顯者以功作元祀矣又惟命之曰

汝功臣受此褒賞之命當益厚爾王室益圖久大之業也丕

視功載乃汝其悉自敎工

丕大視示也功載者記功之載稱也大視功載而無不公

則百工敎之亦皆公也大視功載而或出於私則百工敎之亦皆私也其公其私悉自汝敎之所謂乃汝其悉

自敎工也上章告以褒賞功今王乃命曰我嘗記臣故戒其大視功載者如此輯錄

此功因新邑殷祀而告之神明矣王氏曰記功蓋告祀于太常歲在盟府之類王言成王又命我曰汝周公受

先王之命而厚輔我大視功載則可見矣凡我所自敎
之功方我之朋猶言太史友內史友友邦家君也功載
記功之書也王似欲留百工於洛以聽周公命成王與
周公言未嘗汝之此周公述王言故變公稱汝也書說
今王即命曰至元祀為一節
纂註 呂氏曰洛邑既成周
惟命曰至孺子其朋為一節
業既定論創業之勲
不可後也功臣之冠天下觀瞻鎮服羣下實繫此舉論
功莫先於宗言宗則凡功臣可得而推矣報功莫重於
祀言祀則凡慶賞可得而推矣
新安陳氏曰公因告王今當
其生者則載以旌賞之
新出命曰新邑之祀將記錄創業功臣之宗勲勞最顯
者以其功列之大祀使與享矣又當壽命羣臣曰汝之
受命而能厚輔王室者亦將大視其功而紀載之於冊
書以功作元祀者所以報功臣於既往丕視功載者所
以勵功臣於方來載之今日又當祀之後日也公又謂
王言上即命惟命二說乃汝其愚自敎詔於百工其機

雖自公發之其教當自王出之也

孺子其朋孺子其朋其往無若火始

燄燄厥攸灼叙弗其絕

之視效如此則論功行賞孺子

其可少徇比黨之私乎孺子其少徇比黨之私則自是而往有若火然始雖燄燄尚微而其灼爍將次第延熾不可得而撲滅矣言論功行賞徇私之害其初甚微其終至於不可遏絕所以嚴其辭而禁之於未然也輯

錄

周公言既如此則孺子往矣但汝所聞不可不慎燄火始然尚微而方進之貌灼焚也叙次第也書說一

孺子其朋其往起

纂註

林氏曰如漢之朋黨始於牛李其終縉紳稔禍海唐之朋黨始於牛李其終縉紳稔禍海

內塗炭是也

新安陳氏曰自此以下必脫誤所當關疑如二孺子句从灼叙語皆不可晚與上下文亦不相

貫姑存

厥若彛及撫事如子惟以在周工往新邑倅嚮

即有僚明作有功懋大成裕汝永有辭

其順常道以撫國事常如我為

政之時惟用見在周官勿參以私人往新邑使百工知上意嚮各就有僚明白奮揚而赴功懋厚博大以裕俗則王之休聞亦永
輯錄戒成王歸宗周其所順之常道有辭于後世矣
及撫臨衆事皆當如我所行也

在周百工皆我所總齊者習於事當惟用此人慎終之道當如此也一言我今往新邑既使嚮就其有僚矣明作有功之事務為懋大之道以成寬裕之政則汝亦長有寬裕之辭於後世矣言往者如云來相宅順王所在而言趨事赴功常失之急薄故又言懋大成裕以救其失書說
纂嚴若罪至在周工為一節往新邑至汝永有辭為一節

註呂氏曰漢文近於懋大成裕而無所謂明作有功漢宣近於明作有功而無所謂懋大成裕新安陳氏曰嚴

若彛及撫事如子伴嚮即有僚亦不可曉惟以在周工往新邑乃是欲王以從王于周之百工往之新邑也此

八字却
有照應

公曰已汝惟冲子惟終

周之王業文武始之成王當終之也此上詳於

記功教工內治之事此下則統御諸候教養萬民之道也

輯錄

周公言已矣乎汝成王惟冲子當惟其終

猶伊尹言慎厥終也書說

汝其敬識百辟享亦識其有不享享多

儀儀不及物惟曰不享惟不役志于享凡民惟曰不享

惟事其爽侮

此御諸候之道也百辟諸候也享朝享也儀禮物幣也諸候享上有誠有偽惟人君

克敬者能識之識其誠於享者亦識其不誠於享者享不在幣而在於禮幣有餘而禮不足亦所謂不享也諸

候惟不用志於享則國人化之亦皆謂上不必享矣樂國無享上之誠則政事安得不至於差爽僭侮隳王度

而為叛亂哉人君可不以敬輯錄
享朝而以幣享王誠存心辨之於早察之於微乎輯錄以奉上之辭幣有餘

而禮不及者往往有輕上之心以為可以幣交也曰吾幣足矣何以禮為如是者猶不享也云云如是則是成

王實啟此亂而遺周公以憂勤不暇纂註蘇氏曰小人也言說詳見恭傳至不暇為一節纂註賄以悅人必

簡於禮公戒王責諸侯以禮不以幣恐其役志乎物而不役志乎禮則諸侯慢而王室輕矣此治亂之本故公

特言之春秋傳曰晉趙文子為政薄諸侯之幣而重其禮晉穆叔曰自今以往兵其少弭矣夫以列國之卿輕

幣重禮猶足以弭兵王而賄其致寇也必矣唐之衰君相皆可以賄取方鎮爭貢羨餘行苞苴而天子始失其

政以至於亡周公之戒至矣新安胡氏曰此因將往新邑朝諸侯而言亦因召公取諸侯之幣旅王而言也

乃惟孺子頒朕不暇聽朕教汝于棗民彛汝乃是不獲

乃時惟不永哉篤叙乃正父罔不若予不敢廢乃命汝

往敬哉茲予其明農哉彼裕我民無遠用戾

此教養萬民之道也

頌朕不暇未詳或曰成王當頒布我汲汲不暇者聽我
教汝所以輔民常性之道汝於是而不勉焉則民彝泯
亂而非所以長久之道矣正父武王也猶今稱先正云
者篤者篤厚而不忘叙者先後之不棄言篤叙武王之
道無不如我則人不致廢汝之命矣呂氏曰武王沒周
公如武王設天下不廢周公之命周公去成王如周公
則天下不廢成王之命庚至也王往洛邑其敬之哉我
其退休田野惟明農事益公有歸老之志矣彼謂洛邑
也王於洛邑和裕其民
輯錄周公成成王使聽我教汝
則民將無遠不至焉
以輔民常性之道若汝不
勉則不能永保天命也然則所以輔民常性者惟在乎
勉而已一說乃惟孺子頌朕不暇速此踐言成王不聽
我言是分我以不暇也
篤叙汝武王之所行無不如
予之所以厚叙者我不廢汝自敘工之命汝往歸宗周

汝其敬叙武王之事而我留於此修后稷先公之業明農事以教民亦王業艱難之意也我民裕矣則彼殷民以教民為裕亦無有遠而不至者書說箕子聽朕至永哉為一節為叙至用疾為一節箕子命先正訓為先世長官之臣此指武王而引先正為此一節除汝往敬哉茲予其明農哉二句外皆不可曉皆當闕之味此二句可見公時在鎬欲王往新邑而已將退老也此章之下當必有公從王至新邑舉祀發命之事而今闕矣王若曰公明保子

沖子公稱丕顯德以予小子揚文武烈奉答天命和恒

四方民居師

此下成王答周公及魯公也大抵與上章參錯相應明顯明之也保保佑之也稱舉

也和者使不乖也恒者使可久也居師者宅其衆也言周公明保成王舉大明德使其工之不忝於文武仰不

愧天俯不
作人也

輯錄

居師營洛邑定
居也書說

纂註

新安胡氏曰此王
既至洛舉祀後與

公言將畱公治洛先叙述
公之功德以慰藉之也

惇宗將禮稱秩元祀咸秩無

文

宗功宗之宗也下
大宗禮同將大也

纂註

孔氏曰厚尊大禮舉秩大祀
蘇氏曰惇宗厚族也將禮

秉禮也言此數事皆賴公之功而成也
禮者人所宗而尊者故伯夷典禮曰秩宗
春官典禮曰
宗伯惇厚人所宗而將秉其禮也下文未定于宗禮亦
謂制作未定所以言未定人所宗尊之禮也
新安陳
氏曰此蓋王述已行之事之辭即答公所
謂王肇稱殷禮祀于新邑咸秩無文也
惟公德明光

于上下勤施于四方旁作穆穆迓衡不迷文武勤教子

冲子夙夜虔祀

旁無方所也因上下四方為言穆穆和
敬也迓迎也言周公之德昭著于上下

勤施于四方旁作穆穆以迎治平不迷失文武所勤之
教于天下公之德教加于時者如此子冲子夫何為哉
惟早夜以謹祭祀而已蓋成王知周公輯錄之貌天子
有退休之志故示其所以留之之意也

之容旁作謂周公輔成已德以迎迓纂註陳氏大猷曰
太平之治而不迷于先王之教書說纂註不曰已太平

方且和敬以迓之已治猶未治也使以為既平則無疊
疊方進之意盈而不可久矣蘇氏曰祭則我冲子政

則周公成王言我歸宗周祫祀而已唐孔氏王曰公
曰衛獻公云政由寡氏祭則寡人亦略猶是

功柴迪篤罔不若時厚其當常如是未可以言去也輯
錄公之功輔導我已厚矣無王曰公予小子其退即辟

不若是以上所稱也書說王曰公予小子其退即辟

于周命公後此下成王留周公治洛也成王言我退即
居于周命公留後治洛蓋洛邑之作周公

本欲成王遷都以宅天下之中而成王之意則未欲捨
鎬京而廢祖宗之舊故於洛邑舉祀發政之後即欲歸

居于周而留周公治洛謂之後者先成王之辭猶後世
留守留後之義先儒謂封伯禽以為魯後者非是考之

費誓東郊不開乃在周公東征之時則伯禽就國蓋已
久矣下文惟告周公其後其字之義益可見其為周公

不為伯禽也 **輯錄** 上大王曰兩段周公無答辭疑有闕文成
王言我當歸即政于宗周而命公留於洛

猶唐節度留後之意書說先生云史丞相說書亦有好
處如命公後衆說亦皆云命伯禽為周公之後史云成

王既歸命周公在後看公定子往已 **纂註** 真氏曰集史
一言便見得是周公旦在後之意卓 **纂註** 記魯世家伯

禽即位之後管蔡等反淮夷徐戎亦並興於是伯禽帥
師伐之於盼遂平徐戎據此則蔡說常爽新安陳氏

曰成王自謂其退即辟于周味退之一字則王時退在
洛邑可知據身在洛邑言故以還歸宋周為退退固王

之謀辭亦述往返語勢之當然耳先儒於此皆
急之故不敢質言此章為王至洛後之辭也
四方迪

亂未定于宗禮亦未克救公功
宗禮即功宗之禮也亂治也四方開治公之功

也未定功宗之禮故未能救公功也救
輯錄
迪順也四功者安定其功之謂即下文命寧者也方雖已順

治猶未定于尊公之禮未
迪將其後監我士師工誕保
有以撫治公之功者說

文武受民亂為四輔
將大也周公居洛啟大其後使我士師工有所監視大保文武所受

於天之民而治為宗周之四輔也漢三輔蓋本諸此今
案先言啟大其後而繼以亂為四輔則命周公留後於

洛明
輯錄
周公在後監我百官士也師纂註新安陳氏
也工也四輔猶四鄰書說
纂註
曰王制曰

設四輔及三公四輔左輔右弼前疑後丞也引王制之
四輔解此四輔亦與朱子四鄰之說合王以治為四輔

之大臣望公下文文公以治為四方之新辟望王君臣交相期望意相照應蔡氏引漢三輔為比豈成周之時亦有四輔郡如漢京兆馮王曰公定子往已公功肅將祇翊扶風之可枚舉者乎

歡公無困哉我惟無數其康事公勿替刑四方其世享

定爾雅曰止也成王欲周公止洛而自歸往宗周言周公之功人皆肅而將之欽而悅之宜鎮撫洛邑以慰憚人心毋求去以困我也我惟無厭其安民之事公勿替所以監我士師工者四方得以世世享公之德也吳氏曰前漢書兩引公無困哉輯錄也此王與公決而歸之言皆以我作我當以我為正輯錄也公定居洛予往歸周已公功敬云云公無困哉言公無以事自困猶漢所謂閔勞公以官職之事也我則當無厭倦於安國安民之事公但勿廢其所以儀刑四象纂註張氏曰公之功如此方者則四方其世享矣書說纂註猶肅敬以自將謂不

驕矜人皆敬之樂之真氏曰公功如此而猶以肅自將以敬自樂可以見公之盛德王氏炎曰無困猶無倦謂無倦而欲去勿替其所以示儆刑於我者一說世享世世尊享我周無困勿替皆欲公留而勿去之意

周公拜手稽首曰王命予來承保乃文祖受命民越乃

光烈考武王弘朕恭

此下周公許成王留等事也來者來洛邑也承保乃文祖受命民及

光烈考武王者答誕保文武受民之言也責難於君謂之恭弘朕恭者大其責難之義也輯錄此王

使人來勞周公孺子來相宅其大惇典殷獻民亂為拜受之辭也書說

四方新辟作周恭先曰其自時中又萬邦咸休惟王有

成績

典與章也殷獻民殷之賢者也言當大厚其典章及殷之獻民蓋文獻者為治之大要也亂治也言

成王於新邑致治為四方新主也作周恭先者人君恭以接下以恭而倡後王也公又言其自是宅中圖治萬邦咸底休美則王其有成績矣此纂註新安胡氏曰孺周公以治洛之效望之成王也

述王之此行也作周恭先為周家恭敬之王之先以恭而率先後之為王者也曰者公期望於王之辭其自時

中又其即將然之辭也子旦以多子越御事篤前人成烈答其師

作周孚先考朕昭子刑乃單文祖德

多子者衆卿大夫也唐孔氏曰子者

有德之稱大夫皆稱子師衆也周公言我以衆卿大夫及治事之臣篤厚文武成功以答天下之衆也孚信也作周孚先者人臣信以事上以信而倡後人也考成也昭子猶所謂明辟也親之故曰子刑儀刑也單殫也言成我明子儀刑而殫盡文王之德蓋周公與羣臣篤前人成烈者所以成成王之刑乃殫文祖德也此周公以

治洛之事
纂註
呂氏曰於王言恭先於已言乎先考察
自效也

蓋文德之精微皆在此自加考察可也
新安陳氏曰
作周乎先為周家孚信之臣之先以信而率先後之為
臣者也亂為四方新辟當與亂為四輔對觀作周乎先
當與作周恭先對觀蓋公與王交相期望各盡責任之
辭考朕昭子刑即答前公勿替刑之言此云昭示成王
之儀刑則勿替刑其為勿替示成王以儀刑可見矣蔡
氏以昭子為如所謂明辟恐未當
陳氏大猷曰此處上下疑有闕文
佻來恣殷乃命寧

予絕句
以秬鬯二旨曰明禋拜手稽首休享
此謹密殷民而命寧周公

也秬黑黍也一稊二米和氣所生也鬱金香草也
尊也明潔禋敬也以事神之禮事公也蘇氏曰以黑黍
為酒合以鬱鬯所以裸也宗廟之禮莫盛於裸王使人
來戒教庶殷且以秬鬯二旨饗寧周公曰明禋曰休享

者何也事周公如事神明也古者有大賓客以享禮禮之酒清人渴而不飲肉乾人飢而不食也故享有體薦

豈非敬之至者則其禮如祭也歟

纂註

新安陳氏曰自此至萬年其永觀朕子懷德乃王歸錫後使人

來勞周公因祭文武而全載其祝辭也寧如歸寧父母之寧曰明裡拜手稽首休享者述王命使之辭曰此明潔以裡祀之酒今拜稽而致休美以享公焉敬之至者其禮如祭傳曰享有體薦一證也記曰君子敬則用祭器又

子不敢宿則裡于文王武王

宿與顧命三宿之宿同裡祭名周公

一證也
不敢受此禮而祭於文武也

纂註

息齋余氏曰顧命宿訓為進爵孔氏說也唐孔氏申其義以為進爵

於神前今謂予不敢宿與此同殊不可曉意者與上文傳意不相接寧予之訓既從錄氏則予不敢宿之義只合并從錄氏不宿於家之說方為通不然則惠篤叙無既不敢進爵於神前而又曰裡于文武何耶

有邁自疾萬年厭于乃德殷乃引考

此祭之祝辭周公為成王禱也惠順

也篤叙與篤叙乃正父同順篤叙文武之道身其康強無有邁遇自懼疾害者子孫萬年厭飽乃德殷人亦永

壽考王倬殷乃承叙萬年其永觀朕子懷德

承聽受也叙教條次

第也王使殷人承叙萬年其永觀法我孺子而懷其德也蓋周公雖許成王留洛然且謂王倬殷者若曰遷洛之民我固任之至於使其承叙萬年則實繫于王也亦責難之意與召誥末用供王能祈天永命語脉相類

纂註

新安陳氏曰惠篤叙至朕子懷德此祝辭全文蔡氏分為二節似不以末二句為祝辭何也惠篤至

乃德此公自致禱祝之辭也殷乃至懷德此公為王禱祝之辭也雖曰祝辭然禱祝之中有規勉之意末二句歸重於王非徒徵福於先王而已張氏曰觀此書周公不敢當成王鉅壺之禮則天子之禮樂公其敢當乎

所以春秋於魯之郊禘皆貶其僭則成王之戊辰王在賜伯禽之受其失可見豈周公之所敢安乎

新邑烝祭歲文王騂牛一武王騂牛一王命作冊逸祝

冊惟告周公其後王賓殺禋咸格王入太室裸

此下史官記祭

祝冊誥等事以附篇末也戊辰十二月之戊辰日也是日成王在洛舉烝祭之禮曰歲云者歲舉之祭也周尚未故用騂宗廟禮太牢此用特牛者命周公篤後於洛故舉盛禮也逸史佚也作冊者冊書也逸祝冊者史逸為祝冊以告神也惟告周公其後者祝冊所載更不他及惟告周公焉子其後之意重其事也王賓猶虞賓祀宋之屬助祭諸侯也諸侯以王殺牲禋祭祖廟故咸至也太室清廟中央室也裸灌也以圭瓚酌秬鬯灌地以

降神也

王命周公後作冊逸誥在十有二月

逸誥者史逸誥周公治洛

留後也在十有二月者惟周公誕保文武受命惟七年

明戊辰為十二月日也吳氏曰周公自留洛之後凡七年而薨也成王之留公

也言誕保文武受命公之復成王也亦言承保乃文祖受命民越乃光烈考武王故史臣終其終計其年曰

惟周公誕保文武受命惟七年蓋終始公之辭云纂註張氏曰公輔成王大保文武所受命至此為七年矣

新安陳氏曰此三節史臣記王在洛以留公在後治洛之事祭告文武及命公也戊辰先儒謂七年十二

月晦日唐孔氏推之謂此歲三月丙午朏閏九月辛未朔小則十二月三十日戊辰晦周十二月建亥之月也

其言良是上言速祝冊告文武之冊也下云作冊速誥告命周公之冊也重其事故既廟祭而冊祝先王又因

廟祭而冊命周公也前言戊辰而結以在十有二月明戊辰為十二月之戊辰言十二月而繼以惟周公誕保

文武受命惟七年明十二月為此七年之十二月也此

乃古史記載倒大法也此章次第當在成王至洛舉大
祀行大政之後與公別而歸鎬之前今以尾王歸鎬後
遣使寧公之後次序倒矣其錯簡顛倒邪抑史追書之
也不可考矣又曰惟七年有二說朱蔡本葉吳說同今
從張氏者案禮記云七年致政於成王王肅於金縢篇
末云武王年九十三年冬十一月崩其明年稱元年周公
攝政遭流言東征三年而歸制禮作樂出入四年六年
而成七年營洛邑歸政成王武王崩時成王年已十三
矣至是年二十王肅此說與記合七年始終鑿鑿可考
葉吳畱洛七年而後公薨之說未見所據何若捨有據
之舊說而從此乎古無年號只得表之曰周公誕保文
武受命之七年亦如左氏所謂會於沙隨之歲澳梁之
明年之類耳兼之康誥脫簡之惟三月哉生魄蔡傳既
曰周公攝政七年之三月矣此之惟七年乃曰畱洛之
後七年而薨豈應攝政至是既當第七年畱後至薨又
恰七年邪由此言之則知蔡傳二處自相牴牾康誥得

失之而洛誥也

多士

商民遷洛者亦有有位之士故周公洛邑初政以王命總呼多士而告之編書者因

以名篇亦誥體也今文古文皆有吳氏曰方遷商民於洛之時成周未作其後王與周公患四方之遠鑒三監之叛於是始作洛邑欲徙周而居之其曰昔朕來自奄大降爾四國民命我乃明致天罰移邇遐邇此事臣我宋多邇者述遷民之初也曰今朕作大邑於茲洛予惟四方罔攸賓亦惟爾多士攸服奔走臣我多邇者言遷民而後作洛也故洛誥一篇終始皆無欲遷商民之意惟周公既諾成王畱治于洛之後乃曰年來毖殷又曰王伉殷乃承叙當時商民已遷于洛故其言如此愚謂武王已有都洛之志故周公黜殷之後以殷民反覆難制即遷于洛至

是建成周造廬舍定疆場乃告命與之更始焉
爾此多士之所以作也由是而推則召誥攻位
之庶殷其已遷洛之民歟不然則受都今衛州
也洛邑今西京也相去四百餘里召公安得捨
近之友民而役遠之雖民哉書序以為成周既
成遷殷頑民者謬矣吾固以為非孔子所作也

纂註

呂氏曰遷洛之事召誥經營之洛誥考成
之多士則慰安之也張氏曰周之頑民乃

商之忠臣也王氏曰篇名多士而序以為頑民
何也在官者謂之士卿大夫士是也在民者謂
之士士農工商是也此書稱士皆在官之殷士
也且周公未始以殷民為頑成王命君陳始有
無忿疾于頑之語夫殷民不附周謂之頑可也
不忘殷謂之頑可乎故頑之一字周公於康誥
酒誥多士多方等書未嘗出諸其口也新安陳
氏曰諸家過信小序所以於昔朕來自奄全說

不通吳
蔡當矣

惟三月周公初于新邑洛用告商王士

此多士之本序也三月成王祀

洛次年之三月也周公至洛久矣此言初者成王既不

果遷畱公治洛至是公始行治洛之事故謂之初也曰

商王士者

纂註孔氏曰周公致政明年三月也夏氏曰

貴之也于往也或曰于於也王氏曰殷民遷

于成周從舊長所治故先告之殷士順從則殷民皆然矣新安陳氏曰蔡氏從孔氏以此三月為祀洛次年之

三月皆以書之篇次意料之耳何以知其必然邪集召

語洛誥及脫簡在康誥之日月周公正以七年三月至

洛此之三月即彼之三月也得卜經營之後便可告商

士矣作書者以此專為告商士而作故自錄為一篇而

次之洛誥之後豈得以在十有二月已結局了却頭年

事而此之三月遂必以為次年事邪七年無兩七年三

月亦無兩三月如此解經皆拘蔽自牴牾耳陳氏傳良曰此二篇皆稱王若曰則是相宅年之三月作之不待辨而王若曰爾殷遺多士弗弔是天大降喪于殷我有知也

周佑命將天明威致王罰勅殷命終于帝

弗弔未詳意其為歎憫之

辭當時方言爾也昊天秋天也往肅殷而言歎憫言昊天大降災害而喪殷我周受眷佑之命奉將天之明威致王罰之公勅正殷命而格之以終上纂註息辭余氏帝之事益推革命之公以開諭之也

纂註

曰弗弔大

誥引不弔昊天為訓甚明此以為未詳何也呂氏曰以天言之曰明威以人言之曰王罰陳氏大猷曰勅正殷命之終于帝王氏曰終肆爾多士非我小國敢弋殷命與受終于文祖之終同

惟天不畀允罔固亂弼我我其敢求位

肆與康誥肆汝小子封同弋取

也弋鳥之弋言有心於取之也呼多士詰之謂以勢而言我小國亦豈敢弋取殷命蓋裁耆培之傾者覆之固其治而不固其亂者天之道也惟天不與殷信其不固殷之亂矣惟天不固殷之亂故輔我周之治而天位自有所不容辭者我其

纂註

蘇氏曰固如推亡固存之固信矣天之固治不固亂也林

氏曰告殷士以天命之公使知殷失天命而亡則誰能興之周得天命而興則誰能違之惟帝不畀

惟我下民秉為惟天明畏

秉持也言天命之所不與即民心之所秉為民心之所秉

為即天威之所明畏者也反覆天民相因之理以見天之果不外乎民民之果不外乎天也詩言秉彜此言秉

為者彜以理言為以用言也

纂註

孔氏曰惟天不與紂惟我下民秉心為我皆是天明可畏之效陳氏

經曰紂之惡至於失人心則天命之所去周之德至於下民秉為即天命之所與新安陳氏曰蔡本呂說然孔

註為優既曰惟天不畀又曰惟帝不畀既曰將天明威又曰惟天明畏反覆以天命之去畱晚殿士而潛消其覬覦猜疑之私耳息齋余氏曰我聞曰上帝引逸有夏明畏只如臯謨篇所訓為明

不適逸則惟帝降格嚮于時夏弗克庸帝大淫佚有辭

惟時天罔念聞厥惟廢元命降致罰

引導逸安也降格與呂刑降格同呂

氏曰上帝引逸者非有形聲之接也人心得其安則疊而己斯則上帝引之也是理坦然亦柯開於桀第桀喪其良心自不適於安耳帝實引之桀實避之帝猶未遽絕也乃降格災異以示意嚮於桀桀猶不知警懼不能敬用帝命乃大肆淫逸雖有矯誣之辭而天罔念聞之仲虺所謂帝用不臧是也廢其大命降致其罰而夏作篡註陳氏大猷曰天於人君常欲導之於安逸終矣

也桀乃不適於逸自趨於危呂氏曰天人之際惟極乃通治極則通格于皇天是也亂極亦通惟帝降格是也桀惡升聞故帝降格譴告災異以示所嚮於是覆邦董子曰天心仁愛人君必出災異以警戒之即降格之謂也自絕於天天亦絕之國之元命猶人之元氣有則生無則死者也乃命爾先祖成湯

革夏俊民甸四方

甸治也伊尹稱湯旁求俊彥孟子稱湯立賢無方蓋明揚俊民分布遠邇

甸治區畫成湯立政之大經也周公反復以夏商為言者蓋夏之亡即殷之亡湯之興即武王之興也商民觀是亦可以纂註新安胡氏曰甸如自成湯至于帝乙罔

自反矣

纂註

奄甸萬姓之甸

如自成湯至于帝乙罔

不明德恤祀

明德者所以修其身恤祀者所以敬乎神也

亦惟天丕建保乂

有殷殷王亦罔敢失帝罔不配天其澤

亦惟天大建立保治有殷殷之

先王亦皆操存此心無敢失
帝之則無不配天以澤民也

纂註

薛氏曰無所不浹天
之澤也王者宅天下

無彼疆此界之殊配天其澤也

新安陳氏曰罔敢失

帝能體承上天不敢失其心也蔡氏以帝則言求之太

深此之罔不明德與下文惟天不昇不明厥德當對觀

恤祀與罔失帝配天澤皆自克明德中來也商先王以

明德而得天命也如此

在今後嗣王誕罔顯于天矧曰其有聽念

于先王勤家誕淫厥佚罔顧于天顯民祗

後嗣王紂也紂大不明於

天道況曰能聽念商先王之勤勞於邦家者乎
大肆淫佚無復顧念天之顯道民之敬畏者也惟時上

帝不保降若茲大喪

大喪者國亡而身戮也

惟天不昇不明厥德

商先王以明德而天丕建則凡四方小大邦喪罔非有
商後王不明德而天不昇矣

辭于罰

凡四方小大邦國喪亡其致罰皆有可言者况商罪貫盈而周奉辭以伐之者乎

纂註

呂氏曰天也祖宗也民也自古帝王所共畏也紂不聽念先王周顧天顯民祗三畏皆亡無所不至矣新安

陳氏曰紂之衆惡皆自不明德也如此王若曰爾殷多士今來其以不明德而失天命也

惟我周王丕靈承帝事

靈善也大善承天之所為也武成言祇承上帝以遏亂略是也

有命曰割殷告勅于帝

帝有命曰割殷則不得不戡定剪除告其勅正之事于帝也武

成言告于皇天后土將有大正于商者是也

惟我事不貳適惟爾王家我適

上帝臨汝毋貳爾心惟我事不貳適之謂上帝既命侯于周服惟爾王家我適之謂言割殷之事非有私心一於從帝而無二適則爾殷王家自不容不我適矣周不貳於帝殷其能貳於周乎蓋示以確然不可動搖之意

而潛消頑民反側之情爾然聖賢事不貳適日用飲食莫不皆然蓋所以事天也豈特割殷之事而已哉予

其曰惟爾洪無度我不爾動自乃邑

三監倡亂予其曰乃汝大為非法非

我爾動變自爾邑猶伊予亦念天即于殷大戾肆不正訓所謂造攻自鳴條也

予亦念天就殷邦屢降大戾紂既死武庚又死故邪惡不正言當遷徙也

纂註

蘇氏曰武適再往也我之

有事四方曷嘗有再舉而後定者乎復齊董氏曰肆當作肆赦之肆下文有率肆矜爾則此當言赦其罪而不

正治其餘黨類也

王曰猷告爾多士予惟時其遷居西爾非我

一人奉德不康寧時惟天命無違朕不敢有後無我怨

時是也指上文殷大戾而言謂惟是之故所以遷居西爾非我一人樂如是之遷徙震動也是惟天命如此汝

毋違越我不敢有後命惟爾知惟殷先人有冊有典殷
謂有他罰爾無我怒也

革夏命

即其舊聞以開諭之也殷之先世有冊書典籍載殷改夏命之事正如是耳爾何獨疑於今乎

今爾又曰夏迪簡在王庭有服在百僚予一人惟聽用

德肆予敢求爾于天邑商予惟率矜爾非予罪時惟

天命

周公既舉商革夏事以諭頑民頑民復以商革夏事責周謂商革夏命之初凡夏之士皆啟迪簡拔

在商王之庭有服列于百僚之間今周於商士未聞有所簡拔也周公舉其言以大義折之言爾頑民雖有是言然予一人所聽用者惟以德而已故予敢求爾於天邑商而遷之於洛者以冀率德改行焉予惟循商故事矜恤於爾而已其不爾用者非我之罪也是惟天命如此蓋革德者天之命今頑民滅德而欲求用得乎
纂

註

唐孔氏曰從殷過洛南行而西向故為西陳氏曰奉德猶秉德林氏曰故朕不敢有後而稽留爾無以遷

居為出於我而怨我也我惟率循湯故事肆赦爾罪而矜憐爾愚遷于王都以式化厥訓此非我之罪也亦惟天命而已陳氏大猷曰迪簡王庭職之大者有服百僚職之小者聽用德聽察其有德者而用之呂氏曰故我敢以德而求爾于天邑商爾其修德以應我之求不可援前此而必我之爵也商猶謂之天邑者蓋言其地舊為天子之都理當富於賢德敢求亦敬賢之意重其事而敬其辭裁之者固甚正待之者亦甚厚矣孔氏曰故我敢求爾于天邑商將任用之惟我循商故事憐愍汝故徙教汝

王曰多士昔朕來自

奄子大降爾四國民命我乃明致天罰移爾遐逝比事

臣我宗多遜

降猶今法降等云者言昔我來自商奄之時汝四國之民罪皆庶死我大降爾命不

忍誅戮乃止明致天罰移爾遠居于洛以親比臣我宗
周有多遜之美其罰益亦甚輕其思固已甚厚今乃猶
有所怨望乎詳此章則
輯錄
奄東方之國五注
纂註
陳氏大猷曰此奄與

淮夷三監同助武庚以叛周公東征一舉而誅四國獨
言來自奄者伐奄在後誅奄即來也四國殷管蔡霍也
以親我事我臣我宗法成周濟濟多遜之威林氏曰移
徙爾自遐邈之地使協比臣事於我家以多為遜順我
宗猶言我家自洛而視殷之故地則殷為遠故以遷之
於洛謂移爾遐邈也孔氏曰比近臣我宗周多為順道

王曰告爾殷多士今予惟不爾殺予惟時命有申今朕
作大邑于茲洛予惟四方罔攸賓亦惟爾多士攸服奔

走臣我多遜

以自奄之命為初命則此命為申命也言我惟不忍爾殺故申明此命且我所以營

洛者以四方諸侯無所賓禮之地亦惟爾等服事奔走
臣我多遜而無所處故也詳此章則遷民在營洛之先
矣吳氏曰來自奄稱昔者遠日之辭也作大邑稱今者
近日之辭也移爾遐邇比事臣我宗多遜者期之辭
也攸服奔走臣我多遜者果能之辭也
以此又知遷民在前而作洛在後也
爾乃尚有爾土

爾乃尚寧幹止

幹事止居也爾乃庶幾有爾田業庶幾
安爾所事安爾所居也詳此章所言皆

仍舊有土田居止之辭信商民之遷舊矣孔氏不得
其說而以得反所生釋之於文義似矣而事則非也
爾

克敬天惟畀矜爾爾不克敬爾不啻不有爾土予亦致

天之罰于爾躬

敬則言動無不循理天之所福吉祥所
集也不敬則言動莫不違悖天之所禍

刑戮所加也豈特竄徙不有爾
土而已哉身亦有所不能保矣
今爾惟時宅爾邑繼爾

居爾厥有幹有年于茲洛爾小子乃興從爾遷邑四升為邑之

邑繼者承續安居之謂有營為有壽考皆于茲洛馬爾之子孫乃興自爾遷始也夫自亡國之末裔為起家之

始祖頑民雖愚亦知所擇矣纂註馬氏曰幹如言根本可恃也新安陳氏曰蔡傳多用呂說盡之矣惟

釋不啻不有爾土王曰又曰時予乃或言爾攸居王曰

當有闕文以多方篇末王曰又曰雅之可見時我或有纂所言皆以爾之所居止為念也申結上文爾居之意

註王氏炎曰王曰下必有脫簡又曰下必有脫文不可強解愚謂多士一書中言興喪則由於天言天命則繫

於德言德則本於敬終之以爾土爾邑有恒產者有恒心而非誘之以利也

無逸

逸者人君之大戒自古有國家者未有不以勤而興以逸而廢也益戒舜曰罔游于

逸罔淫于樂舜大聖也益猶以是成之則時君
世主其可忽哉成王初政周公懼其知逸而不
知無逸也故作是書以訓之言則古昔必稱商
王者時之近也必稱先王者王之親也舉三宗
者繼世之君也詳文祖者耳目之所逮也上自
天命精微下至畎畝艱難閭里怨詛無不具載
豈獨成王之所當知哉實天下萬世人生之龜
鑑也是篇凡七更端周公皆以嗚呼發之深嗟
永歎其意深遠矣亦訓
纂註
張氏曰周召之於
體也今文古文皆有
成王所陳在敬所
戒在逸蓋敬則不逸逸則不敬敬逸之分而歷
年之延否革國之壽夭判焉召公以敬陳於前
周公以無逸戒於後不如是不足以為周召
呂氏曰逸者禍亂之源三年東征以定外亂此
特治其末流耳無逸者治源之書也無逸作於
作洛之後成王即政之初陳氏大猷曰逸者

萬惡之根無逸者萬善之本
無逸一書所以為百代元龜

周公曰嗚呼君子所其無逸

所猶處所也君子以無逸為所動靜食息無不在是

焉作輟則非所謂所笑

輯錄

萍鄉柳兄言呂東萊解無逸一篇極好先生扣之曰伯恭如何解君子所

其無逸柳兄曰呂東萊解所字為居字先生曰若某則不敢如此說諸友請曰先生將如何說先生曰恐有脫

字則不可知若說不行而必強立一纂註孔氏曰君子說雖若可觀只恐道理不如比蓋卿

無逸豫呂氏曰凡人乍勤乍怠亦有無逸之時然能暫而不能居非所其無逸者也惟君子以無逸為所如

魚之於水鳥之於林有不可得而離者焉陳氏大猷曰所若北辰居其所之而益居而不移之謂李氏杞

曰所安也猶止其所之無逸安於無逸也新安陳氏曰所其無逸與王敬作所不可不敬德朱子皆

不欲以處所安居之意釋之懼其巧鑿非古人之本意也然呂說為可喜外此則孔註所在之說林氏亦本之此外則無說矣所以呂說朱子非之而蔡氏仍本之真氏一記無逸內却全不取呂蔡之說大學衍義中則又全采呂

先知稼穡之艱難乃逸則知小人之依

先知稼穡之艱

難乃逸者以勤居逸也依者指稼穡而言小民所恃以為生者也農之依田猶魚之依水木之依土魚無水則死木無土則枯民非稼穡則無以生也故舜自耕稼以至為帝禹稷躬稼以有天下文王之基起於后稷四民之事莫勞於稼穡生民之功莫盛於稼穡

纂註

林氏曰

周公發無逸之訓而首及乎此有以哉

稼之艱難為念而不留意於逸者乃所以能逸蓋好逸者未必能逸無逸者乃能逸也呂氏曰此非始於憂勤終於逸樂之論也蓋言先備嘗稼穡之艱難乃處於安逸則深知小人之所依未嘗知稼穡之艱難而遽處

安逸興一宮室起一力役視若易然而民有不得其死者矣成王生於深宮遠處人上公深為之懼故以此章警之若以始勤終逸釋之是乾健之體有時而息矣後世漸不克終之患未必非此論啟之南軒張氏曰周自后稷以農事開國歷世相傳相與咨嗟歎息服習乎艱難而詠歌其勞苦此實王業之根本也周公之告成王詩有七月皆言農桑之候書有無逸欲其知稼穡知小人之依帝王所傳心法之要端在於此夫治常生於敬畏而亂常起於驕逸使為國者每念稼穡之艱難而心不存焉者寡矣是心常存則驕矜逸豫何自而生豈非治之所由興歟陳氏大猷曰所其無逸知小人之依此一篇之綱領後章言三宗文王及怨詈之事皆反覆推明乎此也相小人厥父母勤勞稼穡厥子乃不知稼穡之艱難乃逸乃諺既誕否則侮厥父母曰昔之人無聞知

不知稼穡之艱難乃逸者以逸為逸也俚語曰諺言視小民其父母勤勞稼穡其子乃生於養養不知稼穡之艱難乃縱逸自恣乃習里巷鄙語既又誕妄無所不至不然則又訕侮其父母曰古老之人無聞無知徒自勞苦而不知所以自逸也昔劉裕奮農畝而取江左一再傳後子孫見其服用反笑曰田舍翁得此亦過矣此正所謂昔之人無聞知也使成王非周公之訓安知其不以公劉後稷為田舍翁乎

纂註

蘇氏曰農夫之

子生而飽暖且不知艱難而況於王乎南史宋高祖劉裕孫孝武帝駿壞高祖所居陰室為玉燭殿牀頭有土障壁上掛葛燈籠麻屨拂衣顛因盛稱高祖儉德上曰田舍翁得此已為過矣

周公曰嗚呼

我聞曰昔在殷王中宗嚴恭寅畏天命自度治民祇懼

不敢荒寧肆中宗之享國七十有五年

中宗太戊也嚴則莊重恭則謙

抑實則欽肅畏則戒懼天命即天理也中宗嚴恭寅畏以天理而自檢律其身至於治民之際亦祇敬恐懼而不敢怠荒安寧中宗無逸之實如此故能有享國永年之效也案書序太戊有原命咸乂等篇意述其當時敬天治民之事今纂註孔氏曰以敬畏之故得壽考之福下無所考矣纂註文言逸樂之損壽呂氏曰上既論

無逸之理此復舉無逸之君以示之法此中宗無逸之實嚴恭寅畏合而言之敬也因桑穀而修省亦其畏天命之一端天人一理既畏天命必不敢輕下民祇懼不敢荒寧皆敬也惟敬故壽也主靜則悠遠博厚自強則堅實精明操存則血氣循軌而不亂收斂則精神內固而不浮至於儉約克治去戕賊之累又不待言凡此皆敬之方壽之理也自此至文王其壽莫非此理李氏起曰無逸必寡慾寡慾而不壽者鮮矣逸樂必多慾多慾而能全生者亦鮮矣既以無逸致壽者為之勸又以逸樂損壽者為之戒使前有所慕後有所警有所慕則

知無逸之可法有所警
則知逸樂之不可縱

其在高宗時舊勞于外爰暨小

人作其即位乃或亮陰三年不言其惟不言言乃雍不

敢荒寧嘉靖殷邦至于小大無時或怨肆高宗之享國

五十有九年

高宗武丁也未即位之時其父小乙使久
居民間與小民出入同事故於小民稼穡

艱難備嘗知之也雍和也發言和順當於理也嘉美靖
安也嘉靖者禮樂敬化蔚然於安居樂業之中也漢文

帝與民休息謂之靖則可謂之嘉則不可小大無時或
怨者萬民咸和也乃雍者和之發於身嘉靖者和之達

於政無怨者和之著於民也餘見說命高宗
無逸之實如此故亦有享國永年之效也纂註呂氏

年不言聖賢之君未必盡然故謂之乃或是一也
小大無怨民氣大和導迎和氣是亦壽考之理又發此

意以申勸成王下章論文王咸和萬民亦是意也篇末
二章之論違怨祖祝怨詈實申此意而盡發之張氏曰
不敢荒寧則志氣凝定精神純一此長年之基民心大
和導迎善氣又所以致長年也蓋神氣耗散則根本不
固厲氣外襲則天和日
消有一于此皆足致天其在祖甲不義惟王舊為小人

作其即位爰知小人之依能保惠于庶民不敢侮鰥寡

肆祖甲之享國三十有三年

史記高宗崩子祖庚立祖
庚崩弟祖甲立則祖甲高

宗之子祖庚之弟也鄭玄曰高宗欲廢祖庚立祖甲以
為不義逃於民間故云不義惟王案漢孔氏以祖甲為
太甲蓋以國語稱帝甲亂之七世而殞孔氏見此等記
載意為帝甲必非周公所稱者又以不義惟王與太甲
茲乃不義文似遂以此稱祖甲者為太甲然詳此章舊
為小人之作其即位與上章爰暨小人作其即位文勢正

類所為小人者皆指微賤而言非謂儉小之人也作其
即位亦不見太甲復政思庸之意又案邵子經世書高
宗五十九年祖庚七年祖甲三十三年世次歷年皆與
書合亦不以太甲為祖甲況殷世二十有九以甲名者
五帝以太以小以沃以陽以祖別之不應二人俱稱祖
甲國語傳說承謬旁記曲說不足盡信要以周公之言
為正又下文周公言自殷王中宗及高宗及祖甲及我
周文王及云者因其先後次第而枚舉之辭也則祖甲
之為祖甲而**纂註**真氏曰祖甲或以為太甲或以為帝
非太甲明矣

三年其曰不義惟王舊為小人其為太甲明矣蘇氏以
享國多寡為次此說得之呂氏曰商去周末遠故公以
王耳目所接者言之林氏曰不言湯而言三宗繼世
之君與成王同也新安陳氏曰太甲帝甲二君皆有證
據而太甲較分明經世書與三及字皆不足援以為辨
太甲為商賢君萬萬不可磨何苦極力挽從來無人齒

从之帝甲以排太甲乎
否則兩說姑並存之

自時厥後立王生則逸生則逸

不知稼穡之艱難不聞小人之勞惟耽樂之從自時厥

後亦固或克壽或十年或七八年或五六年或四三年

過樂謂之耽泛言自三宗之後即君位者生則逸豫不
知稼穡之艱難不聞小人之勞惟耽樂之從伐性喪生

故自三宗之後亦無能壽考遠者不過十年七八年近
者五六年三四年爾耽樂愈甚則享年愈促也凡人莫不

欲壽而惡夭此篇專以享年永永不永為纂註蘇氏曰人
言所以開其所欲而禁其所當戒也莫不好逸

欲而其所甚好者生也以其所甚好禁其所好庶幾必
信然猶有不信者以逸豫為未必害生也漢武帝唐明

皇豈無欲者哉而壽如此夫多欲不享國者皆是也武
帝明皇千一而已豈可專望乎此哉呂氏曰憂勤者

必壽遠豫者必夭此周公格言大訓非特以戒成王實萬世人主之通鑑也蓋人之一心苟有所操存則精神思慮日由乎天理之中其壽固可必孔子所謂仁者壽詩人所謂樂只君子萬壽無期亦即其理而推之耳後世之君憚憂勤而恣逸樂伐性傷生靡所不至乃欲慕神仙之術以求長年何其愚之甚也歟蔡初王氏曰蘇氏之說於經有助使好逸者無以漢武明皇藉口呂氏求神仙延壽之說三代前未有也然亦可備經筵進讀之一

周公曰嗚呼厥亦惟我周太王王季克自抑畏

商

異世也故又即我周先王告之言太王王季能自謙抑謹畏者蓋將論文王之無逸故先述其源流之深長也大抵抑畏者無逸之本縱肆怠荒皆矜誇無忌憚者之為故下文言文王曰柔曰恭曰不敢皆原太王王季抑畏之心纂註陳氏大猷曰克自者真能自用其力而人發之耳

侈皆是也。畏敬畏也。人所以肆行無畏，不能自抑，故也。抑其私欲，惟義是從，則必畏天命，畏祖宗，畏小民矣。

文王卑服，即康功田功。

卑服，猶禹所謂惡衣也。康功，安民之功。田功，養民之功。言文

王於未服之奉，所性不存而專意於安養斯民也。卑，纂服，益舉一端而言宮室飲食自奉之薄，皆可類推。卑，纂

註

孔氏曰：就田功以知稼穡之艱難。

徽柔懿恭，懷保小民，惠鮮鰥寡，自

朝至于日中，曷不遑暇食用，咸和萬民。

徽，懿皆美也。是日映也。柔謂之

徽，則非柔懦之柔。恭謂之懿，則非足恭之恭。文王有柔恭之德，而極其微懿之盛，和易近民於小民，則懷保之於鰥寡，則惠鮮之惠鮮云者，鰥寡之人，垂首喪氣，賚予賙給之使有生意也。自朝至于日之中，自中至于日之晏，一食之頃，有不遑暇欲，咸和萬民，使無一不得其所也。文王心在乎民，自不知其勤勞如此。豈秦始皇衛

石程書隋文帝衛士傳餐代有司之任者之為哉立政
言周攸兼于庶言庶獄庶慎則文王又若無所事事者
不讀無逸則無以知文王之勤不讀立政則無以知
文王之逸合二書觀之則文王之所從事可知矣
韋

錄

舜功問微采懿恭是一字是二字先生曰二字上輕
下重柔者須微恭者須懿柔而不微則姑息恭而不

懿則非由中出可學又曰柔易於暗弱微文王不敢盤
有發揚之意恭形於外懿則有蘊藏之意

于遊田以庶邦惟正之供文王受命惟中身厥享國五

十年

遊田國有常制文王不敢盤遊無廢工不濫費故
下無過取而能以庶邦惟正之供於常貢正數之

外無橫斂也言庶邦則民可知文王為西伯所統庶邦
皆有常供春秋貢於霸主者班班可見至唐猶有送使
之制則諸侯之供方伯舊矣受命言為諸侯也中身者
漢孔氏曰文王九十七而終即位時年四十七言中身

舉全數也上文崇素儉恤孤獨勤政事戒遊呂氏
佚皆文王無逸之實故其享國有歷年之永纂註曰凡
有血氣患於上陵必學問以下之抑損祇畏以自下則
用力於無逸深矣力不分於奉已故功全歸於恤民惠
澤之使鮮鮮有生意盤遊田曰不敢翼翼之小心也此
章言文王家法凡無逸之條目如崇儉素重農畝恤窮
困勤政事戒遊田損橫斂大略皆備其稱文王之壽即
前章之意以此為防後世猶為大王憂勤損壽之說以
啟人主之好逸如鄭玄者周公曰嗚呼繼自今嗣王則其無淫于觀

于逸于遊于田以萬民惟正之供

則法也其指文王而言淫過也言自今日

以往嗣王其法文王無過于觀逸遊田以萬民惟正賦
之供上文言遊田而不言觀逸以大而包小也言庶邦
而不言萬民以無皇曰今日耽樂乃非民攸訓非天攸
遠而見近也

若時人不則有愆無若殷王受之迷亂酗于酒德哉與

母通皇與建通訓法若順則法也母自寬假曰今日姑
為是耽樂也一日耽樂固若未害然下非民之所法上
非天之所順時人大法其過逸之行猶商人化受而崇
飲之類故繼之曰母若商王受之迷亂酗于酒德哉酗
酒謂之德者德有凶有吉韓纂註呂氏曰雖戒成王實
子所謂道與德為虛位是也纂註欲後嗣共守此訓故
以繼自今嗣王言觀覽以舒其目安逸以休其身遊豫
以省風俗田獵以習武備人君不能無也不可過爾過
則人欲肆而入於亂亡矣故公使之無淫過于此必絕
之使無則迫處拘制矣觀逸遊田橫飲之源四者既省
用有常經自應以萬民惟正之供始耽樂者毋自恕曰
今日耽樂爾是心一流將一日二日漫漫終身不返矣
苟不戒一日之耽樂必至為紂之徒無皇曰今日耽樂
益原淫樂之始使之深絕其微無若殷王受益要淫荒

之終使知必至此極始終備矣林氏曰隱公觀魚莊公
觀社觀也唐敬宗日晏坐朝逸也周穆所至有車轍馬
跡遊也太康畋洛表田也皆淫於此者真氏曰前舉三
宗後舉文王俾王知所法又舉紂俾王知所戒紂之惡
無不有酗酒其最也人無智愚皆知憂勤必享國逸欲
必戕生惟沈溺于酒心志昏亂則雖死亡在前亦不知
畏故欲無逸則不可酗酒酗酒則必不能無逸公所以
專以此申戒也薛氏曰今日耽樂與詩所謂壹醉日富
義同

周公曰嗚呼我聞曰古之人猶胥訓告胥保惠胥

教誨民無或胥譴張為幻

胥相訓誡惠順譴誑張誕也變名易實以眩觀者曰

幻歎息言古人德業已盛其臣猶且相與誡告之相
與保惠之相與教誨之保惠者保養而將順之非特
誡告而已也教誨則有規正成就之意又非特保惠
而已也惟其若是是以視聽思慮無所蔽塞好惡取

予明而不悖故當時之纂註呂氏曰訓告教誨皆見於民無或敢誑誕為幻也

功用相表裏也新安胡氏曰訓誨忠言此厥不聽人乃也詩張邪說也忠言交進則邪說莫行

訓之乃變亂先王之正刑至于小大民否則厥心違怨

否則厥口詛祝

正刑正法也言成王於上文古人胥訓告保惠教誨之事而不聽信則人乃法

則之君臣上下師師非度必變亂先王之正法無小無大莫不盡取而紛更之蓋先王之法甚便於民甚不便於縱侈之君如省刑罰以重民命民之所便也而君之殘酷者則必變亂之如薄賦斂以厚民生民之所便也而君之貪侈者則必變亂之厥心違怨者怨之蓄于中也厥口詛祝者怨之形於外也為人上而使民心口交怨其國不危者未之有也此蓋治亂存亡之機故周公懇懇言之

纂註

陳氏大猷曰承上章無怨咸和

之意遂及於違怨。祖祝唐孔氏曰：請神加殃，謂之祖。以言告神，謂之祝。真氏曰：篇中有兩至于小大，恐當作一義。上言至于小大，無時或怨，下言至于小大，民否則厥心違怨。蓋皆為民而言。周公曰：嗚呼！自

殷王中宗及高宗及祖甲及我周文王，茲四人迪哲。

迪

哲，智也。孟子以知而弗去為智之實。迪，云者，所謂弗去是也。人主知小人之依而或忿戾之者，是不能蹈其知者也。惟中宗、高宗、祖甲、文王，尤蹈其知，故周公以迪哲稱之。厥或告之曰：小人怨汝

詈汝，則皇自敬德。厥愆曰：朕之愆。允若時，不啻不敢含

怒。

詈，罵言也。其或有告之曰：小人怨汝詈汝，則皇自敬德，反睹其身不尤其人，其所誣毀之愆安而受之。

曰：是我之愆。允若時者，誠實若是，非止隱忍不敢藏怒也。蓋三宗文王於小民之依心誠知之，故不暇責小人。

之過言且因以察吾身之未至怨詈之語乃纂註唐孔

所樂聞是豈特止於隱忍含怒不發而已哉

皇大大自敬德朱氏方大曰闕榜而自反以敬德則

凡怨詈之來皆箴砭之益吾方資之以自反何止不敢

含怒於心而已苟非發於中心之誠惟不敢含怒而止

則是僅能恕人之言而未盡反己之功也陳氏大猷

曰君至明故能如此凡聞此厥不聽人乃或譎張為幻

謗而責人皆不明所致也

曰小人怨汝詈汝則信之則若時不永念厥辟不寬綽

厥心亂罰無罪殺無辜怨有同是叢于厥身綽大叢聚

於上文三宗文王迪哲之事不肯聽信則小人乃或誑

誕變置虛實曰小民怨汝詈汝汝則聽信之則如是不

能永念其為君之道不能寬大其心誑誕無實之言

羅織疑似亂罰無罪殺戮無辜天下之人受禍不同而

同於怨皆叢於人君之一身亦何便於此哉大抵無退
之書以知小人之依為一篇綱領而此章則申言既知
小人之依則當蹈其知也三宗文王能蹈其知故其習
次寬平人之怨詈不足以芥蒂其心如天地之於萬物
一於長育而已其悍疾憤戾天豈私怒於其間哉天地
以萬物為心人君以萬民為心故君人者要當以民之
怨詈為己責不當以民之怨詈為己怒以為己責則民
安而君亦安以為己怒則民危而君亦危矣吁可不戒
哉

纂註

林氏曰以誇張之說妄教如曲厲之監謗泰立
非謗法之類

夏氏曰向之怨詈猶有限也至此

此普天同怨是怨叢於一身矣民氣如此欲享國長久
得乎此意蓋在言外也范氏曰明君惟聽正直故讒
慝之言不入於耳暗君好聽讒佞故欺誑之言日至於
前人君當修德以辨怨不可以刑殺止怨以刑殺止怨
怨之愈甚大決所潰不可收拾矣呂氏曰無逸始以
逸豫為戒終則以棄忠言惑邪說壞法度治謗諂結之

惟無逸然後能去是病而所以保無逸者亦不過戒是數者也新安陳氏曰末章承上章以論處怨讐之道然召民和而使自無時或怨上也因怨言而自反次也以教罰止怨而怨盡無次矣周公以怨讐等事寬廣君心而伸舒民氣其為邦

周公曰嗚呼嗣王其監于茲

茲

本國脉計宜淺淺哉指上文而言也無逸一篇七章章首皆先致其咨嗟詠嘆之意然後及其所言之事至此章則於嗟歎之外更無他語惟以嗣王其監于茲結之所謂言纂註愚謂此有盡而意則無窮成王得無深警於此哉纂註愚謂此其無逸以為之綱而分先知稼穡艱難與不知艱難以為之目此一書之大旨也商三君先知艱難者也後王生則逸不知艱難者也周三王先知艱難者也成嗣王之觀逸遊田惟其不知艱難也遠引古人恐不盡信就尤欲其師文王懲商紂以耳目所

從者為言焉真萬世之龜鑑哉

君奭

召公告老而去周公留之史氏錄其告語為篇亦誥體也以周公首呼君奭因以君

奭名篇篇中語多未詳今文古文皆有案此

篇之作史記謂召公疑周公當國踐祚唐孔氏

謂召公以周公嘗攝王政今復在臣位葛氏謂

召公未免常人之情以爵位先後介意故周公

作是篇以諭之陋哉斯言要皆為序文所誤獨

蘇氏謂召公之意欲周公告老而歸為近之然

詳本篇旨意適召公自以盛滿難居欲避權位

退老厭邑周公反覆告諭以留之爾熱復而詳

味之其義輯錄召公不悅只是小序德地說裏

固可見也面却無此意這只是召公要去後周公去留他

說道朝廷不可無老臣又問先生曰此等語不

可曉先生曰這箇只是大綱解得箇意脉了便

德地說了不要逐箇字去討便無理會處這箇

物事難理會義則召公不悅這意思曉不得若
論事了儘未在看來是見成王已臨政便也不
定了許多事周公自可了得所以求去召公
不悅蓋以為周公歸政之後不當復留而已亦
老而當去故周公言二人不可不留之意曰嗚
呼君已曰時我我亦不敢寧於上帝命弗違念
天威越我民罔尤違又歷道古今聖賢倚賴老
成以固其國家之事又曰予不惠若茲多詒予
惟用憫於天越民只此便見周公之心至此未
嘗不喟然太息也試於此等處虛心求之如何
答徐纂註呂氏曰召公不疑周公前輩辦之悉
元聘纂註矣以盛滿而欲去周公反覆留之後
世權位相軋之際排之使去者有之挽之使留
者鮮矣大臣之秉心公則深恐無助私則惟恐
不專也又曰成功不可居洛邑成而周公告歸
召公亦同此心也已而成王留周公公惴然改

矣召公猶守欲退之心也周公遂力留之及其
既喻非時暫留於一時終相成王且相康王身
任託孤之責而不辭惟不苟於隨所以篤於信
也陳氏大猷曰或謂周公去朝廷居洛邑而
召公獨執政柄所以亦有去志今以洛誥君陳
諸書考之周公固居洛以化殷民以無逸蔡仲
諸書考之則周公未嘗不在朝以輔成王意其
往來歸洛之間也方是時洛邑雖成而殷民尚
未孚四方雖定而天命人心猶未
固周公所以諄諄於留召公也

周公若曰君奭

居者傳之之稱奭召公名也
古人尚質相與語多名之

弗弔天降

喪於殷殷既墜厥命我有周既受我不敢知曰厥基永

孚于休若天棐忱我亦不敢知曰其終出於不祥

不祥者休

之反也天既下喪亡於殷殷既失天命我有周既受之矣我不敢知曰其基業長信於休美乎如天果輔我之誠耶我亦不敢知曰其然果出於不祥乎案此篇周公留召公而作此其言天命吉凶雖曰我不敢知然其懇惻危懼之意天命吉凶之決

纂註

呂氏曰自後世之

實主於召公留不留如何也之福也迷殷之喪亡亦曰弗弔聖賢公天下之心也人之於天或恃而不自修或懼而不自強謂永享於休恃而不自修也意天必福已也謂終出不祥懼而不自強也意天必禍已也皆非也

嗚呼君已曰

時我我亦不敢寧于上帝命弗永遠念天威越我民罔尤違惟人在我後嗣子孫大弗克恭上下遏佚前人光

在家不知

尤隱違背也周公歎息言召公已嘗曰是在我而已周公謂我亦不敢苟安天命而不永

遠念天之威於我民無尤愆背違之時也天命民心去就無常實惟在人而已今召公乃忘前日之言翻然求去使在我後嗣子孫大不能敬天敬民驕慢肆侈過絕佚墜文武光顯可得謂在家而不知乎輯註諸多是長句如君奭弗永遠念天威越我民罔尤違只是一句越只是及罔尤違是總說上天與民之意漢藝文志註謂語是曉諭民若不速曉則約束不行便是語辭如此只是欲民易曉

天命不易天難

謹乃其墜命弗克經歷嗣前人恭明德

天命不易猶詩曰命不易哉命

不易保天難謹信乃其墜失天命者以不能經歷繼嗣前人之恭明德也吳氏曰弗克恭故不能嗣前人之恭德過佚前人光故不能嗣前人之明德

在今子小子旦非克有正迪惟前

人光施于我冲子

吳氏曰小子自謙之辭也非克有正亦自謙之辭也言在今我小子旦非

能有所正也凡所開導惟以前人光大之德使益光耀而付於冲子而已以前言後嗣子孫過佚前人光而言

也又曰天不可信我道惟寧王德延天不庸釋于文王

受命

又曰者以承文言天命不易天難謫此又中言天不可信故曰又曰天固不可信然在我之道惟以

延長武王之德使天不容捨文王所受之命也

纂註

新安胡氏曰此章大意謂今日天命人心未為國成

王之經歷未為深吾等當留而不當去也

公曰君奭我聞在昔成湯既受命

時則有若伊尹格于皇天在太甲時則有若保衡在太

戊時則有若伊陟臣扈格于上帝巫咸又王家在祖乙

時則有若巫賢在武丁時則有若甘盤

時則有若者言當其時有如此

人也保衡既伊尹也見說命太戊太甲之孫伊陟伊尹之子臣扈與湯時臣扈二人而同名者也巫氏咸名祖乙太戊之孫巫賢巫咸之子也武丁高宗也甘盤見說命呂氏曰此章序商六臣之烈蓋勉召公匹休於前人也伊尹佐湯以聖輔聖其治化克厭天心自其徧覆言之謂佐太戊以賢輔賢其治化克厭天心自其徧覆言之謂之天自其主宰言之謂之帝書或稱天或稱帝各隨所指非有輕重至此章對言之則聖賢之分而深淺見矣巫咸止言其又王者咸之為治功在王室精微之蘊猶有愧於二臣也亡書有咸又四篇其又王家之寶敝巫賢甘盤而無指言者意必又次於巫咸也蘇氏曰殷有聖賢之君七此獨言五下文云殷禮陟配天豈配祀於天者止此五王而其臣皆配食於廟乎在武丁時不言傳說豈傳說不配食於配天之王乎其詳不得而聞纂註陳氏曰湯初勝夏已有臣扈湯至太戊百三年必二臣而名同也詩有家父春秋又有家父

亦此類復齋董氏曰言甘盤者高宗舊學之臣呂氏曰捨傳說言甘盤盤源也說妄也息齋余氏曰不言說即

下文不言尚父之意率惟茲有陳保又有殷故殷禮陟配天多歷

年所陟升遐也言六臣猶推此道有陳列之功以保纂

註葉氏曰以其祭上陟而配天猶言郊祀后稷以配天宗祀文王於明堂以配上帝唐孔氏曰多歷年之

次天惟純祐命則商實百姓王人罔不秉德明恤小臣

屏侯甸矧咸奔走惟茲惟德稱用又厥辟故一人有事

于四方若卜筮罔不是孚佑助也實虛實之實國有人則實孟子言不信仁賢則國

空虛是也稱舉也亦東持之義事征代會同之類承上章六臣輔君格天致治遂言天祐命有商純一而不雜

故商國有人而實內之百官著姓與夫王臣之微者無
不秉持其德明致其憂外之小臣與夫藩屏侯甸矧皆
奔走服役惟此之故惟德是舉用又其君故君有事
於四方如龜之卜如蓍之筮天下無不敬信之也

纂

註

孔氏曰天大佑助其王命使商家百姓豐實自湯至
武丁其王人無不持德呂氏曰明恤猶易之顯比

顯然以至公撫恤天下在內則逮於卑賤之小人在外
則均屏藩之侯甸思決內外公平周溥斯乃所秉之君
德也後之君譬昵左右如幽王之私趣馬偏愛一國如
平王之貳於虢非不恤之可謂之明恤乎用人者規諫
箴誨以治之也新安胡氏曰百姓句王人謂王者明恤
屬下句從孔氏為優王氏炎曰商大臣事業至於有為
而罔不孚今四國多方諄諄告公曰君與天壽平格保
命猶懼不信召公豈可求去

人有殷有殷嗣天滅威今汝永念則有固命厥胤明我

新造邦

呂氏曰坦然無私之謂平格者通徹三極而無間者也天無私壽惟至平通格於天者則壽之

伊尹而下六臣能盡平格之實故能保乂有殷多厯年所至於殷紂亦嗣天位乃驟罹滅亡之威天曾不私壽之也固命者不墜之天命也今召公勉為周家久永之念則有天之固命其治效亦赫然明著於我新造之邦而身與國

纂註

孔氏曰言天壽有平至之君致安治有殷俱顯矣殷嗣子紂不能平至天滅亡加之有威

今汝長念平至者安治反是者滅亡以為法鑒則有堅固王命其治理足以明我新成國矣新安陳氏曰有殷嗣天滅威等語聲牙艱澁本不可解不如闕之蔡公曰傳亦未為的保人有殷強拈六臣經有是意乎

君奭在昔上帝劓勸寧王之德其集大命于厥躬

申重

勸勉也在昔上帝降劓於殷申勸武王之德而集大命於其身使有天下也

纂註

夏氏曰天初勸文王

又勸武王故曰申勸如詩序言故天復命武王也其氏曰文王美里之難乃天之降割其降割也乃所以申勸文王之德也文王生知者本不待勸而天乃降割以勉之故曰申勸新安陳氏曰割申勸寧王之德禮記緇衣作周田觀文王之德記固訛矣書果是乎寧王孔註以為文王祭傳以為武王果武王也則下接惟文王尚克修和我有夏惟文王尚克修和我有夏亦惟有若號叔必有闕文矣

有若閔天有若散宜生有若泰顛有若南宮括

號叔文王弟閔

散泰南宮皆氏天宜生顛括皆名言文王庶幾能修治愛和我所有諸夏者亦惟有號叔等五臣為之輔也康誥言一二邦以修無逸言用成和萬民即文王修和之實也又曰無能往來茲迪彝

教文王蔑德降于國人

蔑無也夏氏曰周公前既言文王之興本此五臣故又反前意

而言曰若此五臣者不能為文王往來奔走於此導迪其常教則文王亦無德降及於國人矣周公反覆以明其意故以又亦惟純祐秉德迪知天威乃惟時昭文王曰更端發之

迪見冒聞于上帝惟時受有殷命哉

言文王有此五臣者故亦如殷為天

純佑命百姓王人罔不秉德也上既反言文王若無此五臣為迪舜教則亦無德下及國人故此又正言亦惟天乃純佑文王蓋以如是秉德之臣蹈履至到實知天威以是昭明文王啟迪其德使著見於上覆冒於下而升聞於上帝惟是之故纂註息齋余氏曰孔云文王秉遂能受有殷之天命也

纂註息齋余氏曰孔云文王秉德蓋天佑秉德之君也

武王惟茲四人尚迪有祿後暨武王誕將天威咸劉厥

敵惟茲四人昭武王惟冒丕單稱德

號叔先死故曰四人劉殺也單盡也

武王惟此四人庶幾迪有天祿其後暨武王盡殺其敵
惟此四人能昭武王遂覆冒天下大盡稱武王之
德謂其達聲教於四海也文王冒西土而已丕單稱德
惟武王為然於文王言命於武王言祿者文王但受天
命至武王方富有天下也呂氏曰師尚父之事文武烈
莫盛焉不與五臣之列蓋一時議論或詳或畧隨意而
言主於留召公而纂註呂氏曰此四人尚蹈有祿位言
非欲為人物評也故老猶存也林氏曰死者稱不
祿四人猶及武王之世故曰尚迪有祿今在予小子旦若游大川予往暨

汝與其濟小子同未有位誕無我責收罔勗不及耆造

德不降我則鳴鳥不聞矧曰其有能格

小子旦自謙之稱也浮水曰游

周公言承文武之業懼不克濟若浮大川罔知津涯豈能獨濟哉予往與汝召公其共濟可也小子成王也成

王初冲雖已即位與未即位同誕大也大無我責上疑有闕文牧周勗不及未詳者造德不降言召公去則耆老成人之德不下於民在郊之鳳將不復得聞其鳴矣况敢言進此而有感格乎是時周方隆盛鳴鳳在郊卷阿鳴於蒿崗者乃詠纂註夏氏曰大無盡責於我一人其實故周公云爾也纂註息齋余氏曰古註其濟小子句通收周勗不及呂云召公若收歛退藏周勗勉成王之所不逮亦通張子曰考造德降則民誠和而鳳可致故鳴鳥聞所以為和氣之應也王氏炎曰文王之興鳳鳴岐山為周受命之符召公苟去固不能如五臣輔文王以聞鳴鳳之祥况能如公曰嗚呼君肆其監于茲我伊陟臣扈之格天格帝乎

受命無疆惟休亦大惟艱告君乃猷裕我不以後人迷

肆大猷謀也茲指上文所言周公歎息欲召公大監視上文所陳也我文武受命固有無疆之美矣然迹其積

累締造蓋亦艱難之大者不可不相與竭力保守之也
告君謀所以寬裕之道勿狹隘欲去我不欲後人迷惑
而失道也呂氏曰大臣之位百貴所萃震撼擊撞欲其
鎮定辛甘燥濕欲其調齊盤錯勢結欲其解紓顯闇汚
濁欲其茹納自非曠度洪量與夫患失乾沒者未嘗無
翩然捨去之意況召公親遭大變破斧缺斨之時屈折
調護心勞力瘁又非平時大臣之比顧以成王未親政
不敢乞身耳一旦政柄有歸浩然去志固人情之所必
至然思文武王業之艱難念成王守成之無助則召公
義未可去也今乃汲汲然求去之不暇其迫切已甚矣
蓋謀所以寬裕之道圖功攸終展布四體為久大業註
規模使君德開明未可捨去而聽後人之迷惑也蔡註
鄭氏曰召公不悅似隘急故令謀於寬裕呂氏曰周
公自言我終不獨善而使後人迷惑自言所以不去者
以勉召公也陳氏曰不以後人迷惑欲使後人嗣前
人恭明德不至于過佚前人光也新安陳氏曰不以

後人迷如其君霸以其君顯之以留而明保啟迪成
王是不以後人迷也去而聽其迷惑是以後人迷也

公曰前人數乃心乃悉命汝作汝民極曰汝明勗偶王

在亶乘茲大命惟文王德丕承無疆之恤
偶配也蘇氏曰周公與召

公同受武王顧命輔成王故周公言前人數乃心腹以
命汝召公位三公以為民極且曰汝當明勉輔弼子如

耕之有偶也在於相信如車之有馭也并力心以載天
命念文考之舊德以丕承無疆之憂武王之言如此而

可以纂註孔氏曰文武布其乃心乃悉以命汝矣為汝
去乎纂註民立中正矣汝明勉配王在於誠信行此大

命而已惟文王聖德為之子孫無忝厥祖大承無疆之
憂張氏曰臣者君之偶如婦者夫之偶陳氏曰來

載也猶負荷也呂氏曰命作民極置之具瞻以為民
極也其命之辭則曰汝明明勉勵以偶配輔佐後王命

之大如此在今當亶誠以乘載此大命不可失墜今而
遽去是墜此命非乘此命矣又欲其追念文王眷遇之
德為我周大受無窮之憂責洛誥周公之復留實以文
武之故今召公欲去周公復舉文武以感動之
新安
陳氏曰以命汝為武王顧命則茲大命竟指為武王之
命為安然蘇以汝明至之恤純為武王之言故以大命
為天命也不若呂只以汝明勗偶王一句為武王之言
為優然此等偶王亶乘語實艱澁不可解略認大意可
也
公曰君告汝朕允保奭其汝克敬以予監于殷喪大
否肆念我天威
大否大亂也告汝以我之誠呼其官而
名之言汝能敬以我所言監視殷之喪
亡大亂可不大大念
我天威之可畏乎
予不允惟若茲誥予曰曰襄我二人
汝有合哉言曰在時二人天休滋至惟時二人弗戡其

汝克敬德明我俊民在讓後人于丕時

戲勝也戲堪古通用周公

言我不信於人而若此告語乎予惟曰王業之成在我與汝而已汝聞我言而有合哉亦曰在是二人但天休滋至惟是我二人將不堪勝汝若以盈滿為懼則當能自敬德益加寅畏明揚俊民布列庶位以盡大臣之職業以答滋至之天休毋徒惴惴而欲去為也他日在汝推遜後人于大盛之時超然肥遯誰復汝桀今豈汝辭位之輯錄襄我二人周公曰纂註王氏曰大臣之善在時乎輯錄謂已與召公祖說纂註王氏曰大臣之善在善而無妨功害能此所以能明俊民陳氏祖曰今時未至盛大未有賢俊可讓召公未可去也大臣進退常以得人為慮有賢者可以讓則身可以退蕭何且死必引曹參管仲不能薦賢所以不免于議也新安陳氏曰讓字貫俊民字謂鳴呼篤棗時二人我式克至于明俊民而讓之較優

今日休我咸成文王功于不怠丕冒海隅出日罔不率

俾

周公復歎息言篤于輔君者是我二人我用能至于今日休戚然我欲與召公共成文王功業於不怠大

覆冒斯民使海隅日出之地無不臣服然後可也周都西土去東為遠故以日出言吳氏曰周公未嘗有其功

以其留召公故言之蓋叙其所已然而勉其所未至亦人所說而從者也

纂註

陳氏大猷曰伐淮夷踐奄

在此書後可見當時未能罔不率俾也右二章以文武留召公也

公曰君子不患若茲

多誥予惟用閔于天越民

周公言我不順于理而若茲諄復之多誥邪予惟用憂天

命之不終及斯民之無賴也韓子言畏天命而悲人窮亦此意前言若茲誥故此言若茲多誥周公之告召公

其言語之際亦可悲矣

纂註

夏氏曰天命難諶民心難保大臣去留繫天命之從違民心之向背今召

公欲去實周公之憂也陳氏大猷曰召公去則天命將替民生失所此周公所閔也公曰嗚呼

君惟乃知民德亦罔不能厥初惟其終祇若茲往敬用

治上章言天命民心而民心又天命之本也故卒章專言民德以終之周公歎息謂召公踐歷諳練之久惟

汝知民之德民德謂民心之嚮順亦罔不能其初今日固罔尤違矣當思其終則民之難保者尤可畏也其祇

順此誥往敬用治不可忽也此召公已留周公飭遣就職之辭厥後召公既相成王又相康王再世猶未釋其

政有味于周纂註陳氏經曰借民情以為喻也民情每公之言也夫勤始怠終此乃召公所熟知安可以

此自處當惟其終可也語曰行百里者半九十言晚節末路之難也張氏曰召公初輔成王有始矣而求去

不能終也愚謂一書之中首言憂國之心非人所知次言天民可畏惟人是賴又次言殷先王與我文武得

人之助然文王時五人至武王時四人今又惟我二人而已君若求去豈我一人所能戡哉憂之深是以留之切留之切是以言之詳召公同功一體之人均有忠君愛國之心者也安得不油然而感幡然而留哉

蔡仲之命

蔡國名仲字蔡叔之子也叔沒周公以仲賢命諸成王復封之蔡此其誥

命之辭也今文無古文有案此篇次序當在洛誥之前

惟周公位冢宰正百工羣叔流言乃致辟管叔于商囚

蔡叔于郭鄰以車七乘降霍叔于庶人三年不齒蔡仲

克庸祗德周公以為卿士叔卒乃命諸王邦之蔡

周公位冢

宰正百工武王崩時也郭鄰孔曰曰中國之外地名蘇氏曰郭號也周禮六遂五家為鄰管霍國名武王崩成

欽定四庫全書

卷五

王幼周公居冢宰百官總己以聽者古今之通道也當是時三叔以主少國疑乘商人之不靖謂可惑以非義遂相與流言倡亂以搖之是豈周公之身之利害乃欲傾覆社稷塗炭生靈天討所加非周公所得已也故致辟管叔于商致辟云者誅戮之也囚蔡叔于郭鄰以車七乘囚云者制其出入而猶從以七乘之車也降霍叔于庶人三年不齒三年之後方齒錄以復其國也三叔刑罰之輕重因其罪之大小而已仲叔之子克常敬德周公以為卿士叔卒乃命之成王而封之蔡也周公留佐成王食邑于圻內圻內諸侯孟仲二卿故周公用仲為卿非魯之卿也蔡左傳在淮汝之間仲不別封而命邦之蔡者所以不絕叔于蔡也封仲以他國則絕叔於蔡矣呂氏曰象欲殺舜舜在側微其害止于一身故舜得遂其友愛之心周公之位則繫於天下國家雖欲遂友愛于三叔不可得也舜與周公易地皆然史臣先書惟周公位冢宰正百工而繼以羣叔流言所以結正三

叔之罪也後言蔡仲克庸祇德周公以為卿士叔卒即命之王以為諸侯以見周公處然于三叔之刑幸仲克庸祇德則亟擢用分封之也吳氏曰此所謂冢宰正百工與詩所謂攝政皆在成王諒闇之時非以幼沖而攝而其攝也不過位冢宰之位而已亦非荀卿所謂攝天子位之事也三年之喪二十五月而畢方其畢時周公固未嘗攝亦非有七年而後還政之事也百官總已以聽冢宰未知其所從始如殷之高宗已然不惟周公行之此皆論周公輯錄安御問周公誅管蔡曰公義言者所當先知也輯錄之其心固正大直截自私恩言之其情終有不自滿處所以孟子謂周公之過不亦宜乎先生曰是他豈得已哉莫到恁地較好看周公當初做這一事也大段踈脫他也看那兄弟不過本是怕武庚叛故遣管蔡霍叔去監他為其至親可恃不知他反去與武庚同作一黨不知如何紂出得箇兒子也恁地狡猾想見他當時日夜去炒郵管叔說云周公是你的

弟今却欲篡為天子汝是兄今却只恁地管叔被他炒
得心熱他性又急所以便發出這件事來李堯卿問是
時可調護莫殺否曰他已叛只得殺如何調護得蔡叔
霍叔性較慢罪較輕所以只囚于鄆鄰降于庶人想見
當時被管叔做出這事來騷動許多百姓想見也怕人
鴟鴞鴟鴞既取我子無毀我室當時也是被他害得猛
如常棣一詩却是後來制禮作樂時作這是先被他害
所以當天下平定後更作此詩故其辭哀切不似諸詩
和平義剛曰周公也豈不知管叔殺弟但當時于義不
得不封他曰看來不是狡猾只是歎子書說周公使三
叔監殷他却與武庚叛此是一段大踈脫事若當時不
便平息得模樣做出西晉初年時事想見武庚日夜去
說誘三叔以為周公弟也却在周作宰相管叔庚纂註史
兄也却去監商故管叔生起不肖之心如此
武王同母兄弟十人長伯邑考次武王次管叔鮮次周
公次蔡叔度次霍叔處孔氏曰蔡仲能用敬德稱其賢

也明王之法誅父用子言至公也叔之所封圻內之蔡仲之所封淮汝之間圻內之蔡名已滅故取其名以名新國欲其戒之唐孔氏曰管在蔡陽京縣東北不立管叔之後者罪重或無子或有而不賢也杜預曰武王封叔度于汝南上蔡胡徙新蔡昭侯徙九江下蔡圻內蔡地不知所在不齒不得與兄弟年齒相次閔元年晉滅霍故知復其舊封夏氏曰古一里之地出車一乘謂以出車七乘地所出之賦以奉之蓋既囚之又不可無以養之張氏震曰象得罪于舜安得不貸之以恩管叔得罪于周安得不斷之以義霍叔不絕其身蔡叔不絕其子而管叔獨不免誅絕恩與義並行而不悖也林氏曰蔡叔有罪則囚之不以弟而私蔡仲賢而封之不以父而棄葉氏曰舜誅鯀而與禹周公囚蔡叔而命仲一也魏氏曰左傳定公四年云蔡仲改行帥德周公舉之以為已卿士已字極好玩味可見周公大聖人蔡叔有罪而囚之有子仲祇德則以為已卿士真與天地同其大

也自東萊發此義蘇氏曰蔡叔未卒仲無君國之理蒯
賁在而輒立衛所以亂所以封仲必在叔卒之後魯
余氏曰業召誥傳中謂洛邑告成成王始政故召公以
自服土中為言多方內辨臣我監五祀曰成周既成而
成王即政云云與此所引吳氏之說皆所不合王若曰小子胡惟爾率德改行

克慎厥猷肆予命爾侯于東土往即乃封敬哉

胡仲名言仲循

祖文王之德改父蔡叔之行能謹其道故我命汝為侯于東土往就汝所封之國其敬之哉呂氏曰敬哉者欲其無失此心也命書之辭雖稱成王實周公之意爾尚蓋前人之愆惟忠惟孝

爾乃邁迹自躬克勤無怠以垂憲乃後率乃祖文王之

彛訓無若爾考之違王命

蔡叔之罪在于不忠不孝故仲能掩前人之愆者惟在於

忠孝而已叔達王命仲無所因故曰邁迹自躬克勤無怠所謂自躬也垂憲乃後所謂邁迹也率乃祖文王之彝訓無若爾考之違王命纂註呂氏曰子之新善著則上文所謂率德改行也叔之惡既無以貽子孫仲乃一國始封之祖創業垂統之責繫焉蓋追其祖武自我作古克勤無怠以垂法于後斯須之急則流弊或至于數百年後不可不謹其源也張氏曰邁迹自躬謂生于羣叔之間而能脫身自立為善陳氏傳良曰舜命禹未嘗戒以鯀周公命微子未嘗及武庚今命仲而尤其父者於越人疎之于具兄戚之也父子兄弟之間猶有諱而不敢盡言是愈疎矣成王於仲親親之道也有禹則鯀得以郊張湯杜周烈矣以其有後得不列于酷吏蔡仲在人其謂叔曰幸哉有子如此歟故曰蓋前人之愆新安陳氏曰子能改父之惡而為善則孝矣為子而孝斯為臣而忠古人云求忠臣于孝子之門是惟忠本于惟孝也克勤無怠以

垂憲乃後即所謂邁迹
自身此一語不必分也

皇天無親惟德是輔民心無常

惟惠之懷為善不同同歸于治為惡不同同歸于亂爾

其戒哉

此章與伊尹申誥太甲之言相類而有淺深不同者太甲蔡仲之有間也善固不一端而無不

可行之善惡亦不一端而無可為之惡爾其可不戒之哉

纂註

新安陳氏曰此與伊尹告太甲之言語意

正同蔡氏謂有深淺不同以太甲蔡仲之有間不曉所謂

慎厥初惟厥終終以不困

不惟厥終終以困窮

惟思也窮困之極也思其終者所以謹其始也

纂註

呂氏曰建

國之始必審其始而思其終終始具舉然後可久可大而不至于困徒謹初而不思其終則終必困窮雖慈然憂懼無益也語以謹始而即援以慮終竭兩端之教也
陳氏大猷曰仲率德改行能謹初矣尤當克勤無怠

是在于惟厥終也張氏曰懋乃攸績睦乃四鄰以感激者多銳于初而怠于終

蕃王室以和兄弟康濟小民

勉汝所立之功親汝四鄰之國蕃屏王家和協

同姓康濟小民五者諸侯之之所當盡也

率自中無作聰明亂舊章詳

乃視聽罔以側言改厥度則予一人汝嘉

率循也毋無同詳審

也中者心之理而無過不及之差者也舊章者先王之成法厥度者吾身之法度皆中之所從出者作聰明則喜起好惡皆出于私而非中矣其能不亂先王之舊章乎戒其本於已者然也側言一偏之言也視聽不審惑于一偏之說則非中矣其能不改吾身之法度乎戒其拘于人者然也仲能戒是則我一人汝嘉矣呂氏曰作聰明明者非天之聰明特沾沾小
纂註
陳氏經曰舊章法度皆中之所寓度即舊

章也舊章則已然之法度則當然之制無非中也周公
慮仲懲創乃父之愆用意過當反以生事為奇故有此
戒夏氏曰率皆也自從也謂凡事皆從中道也呂
氏曰舊章往往不與新進喜事者合故作聰明者尤欲
亂之聽覽不貴于速而貴于詳迎刃立決見事風生宜
若可喜然忽略疎快動皆愆尤譏說姦言每乘其忽遽
而入之惟詳其視聽安徐審訂表裏畢陳側媚之言將
不得售故詳者乃聽覽之大法也規矩準度未至於樂
循理者則常若為其繫維側言乃解其繫維而縱之放
逸之場者故從之也輕仲以英妙之年任國事周公老
成深慮故戒之如此陳氏大猷曰內不變于己之
私智外不變于人之私言則中道合而侯職盡矣王

曰嗚呼小子胡汝往哉無荒棄朕命

飭往就國戒其毋廢棄我命汝

所言纂註

愚謂此篇大體與微子之命相似而微子之辭溫厚蔡仲之辭嚴厲蓋微子先代之後周

賓而不臣又本賢人也蔡仲父為不道忠孝兩虧已無足法所望仲能率祖德改父行邁迹自身以垂憲乃後耳蓋以拳拳圖終之說且戒之以無亂舊章無改法度無同歸于亂嗚呼仁哉

多方

成王即政奄與淮夷又叛成王滅奄歸作此篇按費誓言徂茲淮夷徐戎並興即其

事也疑當時崩亂不特殷人如徐戎淮夷四方容或有之故及多方亦詰體也今文古文皆有

蘇氏曰大誥康誥酒誥梓材名誥洛誥多士

多方八篇雖所誥不一然大略以殷人心不服

周而作也予讀泰誓武成常怪周取殷之易及

讀此八篇又怪周安殷之難也多方所告不止

殷人乃及四方之士是紛紛焉不心服者非獨

殷人也予乃今知湯已下七王之德深矣方殷

之虐人如在膏火中歸周如流不暇念先王之

德及天下粗定人自膏火中出即念殷先七王

如父母雖以武王周公之聖相繼撫之而莫能禦也夫以西漢道德比之殷猶砥礪之與美玉然王莽公孫術魏竈之流終不能使人忘漢光武成功若建瓴然使周無周公則亦殆矣此周公之所以畏篡林氏曰奄即淮夷之一種總言則謂之淮夷如春秋赤狄而不敢去也

之有潞氏甲氏也周公攝政時奄嘗與三監同叛多士曰昔朕來自奄已嘗征之今成王即政奄又叛成王滅之而歸鎬京諸侯來朝周公又稱王命以告之故作此篇唐孔氏曰雖普告多方意在殷之舊國呂氏曰自大誥至多方所以處殷氏者何其勞也武王崩以喜亂之徒因思舊之情乘心難之際三者參合其禍至此是周周之不造實則天之大扶持保佑有周者也人之稚齒百疾先見則必過加調護凡伐性傷生者一切不敢萌所以培固真源克登上壽

者少年多疾之力也成周八百年之基業可於此占之多士多方辭旨相出入多士既遷殷民而獨告新民也故視多方為略多方既踐奄而編告庶邦也故視多士為詳

惟五月丁亥王來自奄至于宗周

成王即政之明年商奄又叛成王征滅之

杜預云奄不知所在宗周鎬京也呂氏曰王者定都天下之所宗也東遷之後定都于洛則洛亦謂之宗周衛孔悝之鼎銘曰隨難于漢陽即宮于宗周是時鎬已封秦宗周蓋指洛也然則宗周初無定名隨王者所都而名纂註孔氏曰周公歸政之明年淮夷奄又叛魯征淮耳纂註夷作費誓王征奄滅之五月遷鎬京新安陳氏曰洛誥戊辰王在新邑孔註十二月戊辰晦此七年之十二月即成王即政之年也多士作于是年二月曰昔朕來自奄是述東征時事乃自武王誅紂伐奄後第二番叛也多方作于即政之明年五月成王政序曰成

王遂踐奄多方序曰王歸自奄書曰王來自奄乃奄之
第三番叛王墮其地遷其君又因以告多方也以去年
十二月戊辰晦算之則次年正月朔己巳五月朔非丁
卯則戊辰丁亥非二十日即二十一日也多士與多方
之作先後蓋一
年有三月云
周公曰王若曰猷告爾四國多方惟爾

殷侯尹民我惟大降爾命爾罔不知

呂氏曰先曰周公曰而復曰王若曰何也

明周公傳王命而非周公之命也周公之命誥終于此
篇故發例於此以見大誥諸篇凡稱王曰者無非周公
傳成王之命也成王滅奄之後告諭四國殷民而因以
曉天下也所主殷民故又專提殷侯之正民者告之言
殷民罪應誅戮我大降
宥爾命爾宜無不知也
洪惟圖天之命弗永寅念于祀
圖謀也言商奄大惟私意圖謀天命自底滅亡不深長
敬念以保其祭祀呂氏曰天命可受而不可圖圖則人

謀之私而非天命之公矣此蓋深示以天命不可妄干乃多方一篇之綱領也下文引夏商所以失天命受天命者以纂註呂氏曰編告四方者何也殷奄屢叛驅扇明示之纂註者廣今雖平殄譬餘邪遺疾猶或在肺腑間恐或有時而發也故渙發大號歷叙天命之公前代之事征誅安集之本未俾四方咸與聞之大破存疑深絕亂根蓋本于是兵寢刑措者四十餘年其亦訓誥之助歟

惟帝降格于夏有夏誕

厥逸不肯感言于民乃大淫昏不克終日勸于帝之迪

乃爾攸聞

言帝降災異以譴告桀桀不知戒懼乃大肆逸豫憂民之言尚不肯出諸口況望其有憂

民之實乎勸勉也迪啓迪也視聽動息日用之間洋洋乎皆上帝所以啓迪開導斯人者桀乃大肆淫昏終日之間不能少免于天理或幾乎息矣況望有惠迪而不違乎此乃爾之所聞欲其因桀而知紂也厥逸與多

士引逸不同者猶亂之為亂為治耳逸豫以民
言淫昏以帝言各以其義也此章上疑有闕文纂註王

曰惟帝降格于夏與惟帝降格嚮于時夏同意
息齋余氏曰真氏乙記云降格者言帝本降格也如此則不

必言有闕文矣厥圖帝之命不克開于民之麗乃大降罰崇亂

有夏因甲于內亂不克靈承于旅罔丕惟進之恭洪舒

于民亦惟有夏之民叨憤日欽剿割夏邑

此章文多未詳麗猶日月

麗乎天之麗謂民之所依以生者也依于土依于衣食
之類甲始也言桀矯誣上天圖度帝命不能開民衣食
之原於民依恃以生者一皆抑塞遏絕之猶乃大降威
虐于民以增亂其國其所因則始于內嬖盛其心敗其
家不能善承其衆不能大進于恭而大寬裕其民亦惟
夏邑之民貪叨怨憤者則日欽崇而尊用之以戕害于

其國纂註 孔氏曰麗音榮施也不能開于民之所施政也 蘇氏曰麗著也奠民之居王政之本民不

土著雖堯舜不能使之不亂雖不開衣食之源以定民居也 葉氏曰麗附于罪法也古者治獄以附罪為麗

故秋官稱各麗其法以議獄訟開明也不克開于民之附法者而大降之罰 新安陳氏曰開于民之麗其說

不一葉氏較優既與乃大降罰相入又與下文慎厥麗乃勸厥民刑用勸皆相應 呂氏曰原其所因蓋始于

內亂妹喜之嬖是也 天惟時求民主乃大降顯休命于成湯刑殄

有夏 言天惟是為民求主耳桀既不能為民之主天乃大降休顯命于成湯使為民主而伐夏殄滅之也

呂氏曰曰求曰降豈真有求之降之者哉天下無統渙散漫流勢不得不歸其所聚而湯之一德乃所謂顯休命之實一衆離而聚之者也民不得不聚于湯湯不得不受斯民之聚是豈人為之私哉故曰天求之天

降之也

惟天不畀純乃惟以爾多方之義民不克永于多

享惟夏之恭多士大不克明保享于民乃胥惟虐于民

至于百為大不克開

純大也義民賢者也言天不與桀者大乃以爾多方賢者不克永于

多享以至于亡也言桀于義民不能用其所敬之多上率皆不義之民上文所謂叨憚日欽者同惡相濟大不能明保享于民乃相與播虐于民民無所措其手足凡百所為無一能達上文所謂不克開于民之麗者政暴民窮所以速其亡也此雖指桀多上爾殷
侯尹民嘗逮事紂者寧不惕然內愧乎
纂註
桀氏曰
則曰純佑命不畀之則曰不畀純
林氏曰此篇陳桀紂之亡商周之興皆出于天天之所奪非人力所能支
天之所予非人力所能移而其所以為予奪者以其德與不德耳爾多方當知天命不可有他志也
孔氏曰

桀之所謂恭人衆主言亂主所任任同己者 林氏曰
保享于民安民而以之享國長久也 呂氏曰義民知

義之民也桀之時三宅無義民義民在下雖多何補以
爾多方之義民不能永受衆多之服享如負米而飢載
泉而渴蓋哀之也百為大不克開欲耕害其耕
欲賈害其賈四向皆窮無一能達民窮如此也 乃惟成

湯克以爾多方簡代夏作民主

簡擇也民擇
湯而歸之 纂註 葉氏曰簡

如簡在帝
心之簡

慎厥麗乃勸厥民刑用勸

湯深謹其所依以
勸勉其民故民皆

儀刑而用勸勉也人君之於天下仁而已
矣仁者君之所依也君仁則莫不仁矣

以至于帝乙

罔不明德慎罰亦克用勸

明德則民愛慕之謹罰則民
畏服之自成湯至于帝乙雖

歷世不同而皆知明其德謹其罰故亦能用以勸勉其
民也明德謹罰所以謹厥麗也明德仁之本也謹罰仁

之政也
要囚殄戮多罪亦克用勸開釋無辜亦克用勸
明德

之而已對有辟焉有宥焉故再言辟而當罪亦能用以

勸勉宥而赦過亦能用以勸勉言辟與宥皆足以使人

勉于纂註呂氏曰赦而民勸猶可也刑而民亦勸則有

善也纂註默行于刑赦之間者矣每語結之以勸者天

下非可驅以智力束以法制惟勸化其民使常有欣欣

不自已之意乃維持長久之道也陳氏經曰商家法

在明德慎罰明德化民用德其本心慎罰不濫及民用

刑不得已也本原既正則或刑或宥皆足以勸民于善

刑一也先王用之而使民勸後世用之而為民毒何也

先王之刑皆仁之寓後世之刑不仁之具也夫子未嘗

不鈞戈也而仁見于不綱不射宿之際文王

非不蒐田也而仁見于一發不再舉之時也

辟弗克以爾多方享天之命
今至于爾

呂氏曰爾辟謂紂也商先哲王世傳家法積累維持

如此今一旦至于汝君乃以爾全盛之多方不克坐享天命而亡之是誠可閔也天命至公操則存舍則亡以商先王之多基圖之大紂曾不得席其餘蔭其亡忽焉危微操舍之幾周公所以示天下深矣豈徒曰慰解之而已纂註陳氏曰多方一也湯以之而作民主紂不能以之而享天下在所以何如耳王氏曰此言殷之興甚詳言其亡甚略蓋對殷遺民不忍痛言其失也

嗚呼王若曰誥告爾多

方非天庸釋有夏非天庸釋有殷

先言嗚呼而後言王若曰皆唐孔氏曰周

公先自歎息而後稱王命以誥之也庸用也有心之謂釋去之也上文言夏殷之亡因言非天有心于去夏亦非天有心于去殷下文遂言乃惟桀紂自取亡滅也呂氏曰周公先自歎息而始宣布成王之誥告以見周公未嘗稱王也人此篇之始周公曰王若曰複語相承書無此體也至于此章先嗚呼而後王若曰書亦無此

體也周公居聖人之變史官豫憂來世傳疑襲誤蓋有竊之為口實者故于周公誥命終篇發新例二著周公實未嘗稱王所以別嫌纂註夏氏曰誥告以明微而謹萬世之防也誥辭告之也乃惟爾辟

以爾多方大淫圖天之命屑有辭

紂以多方之富大肆淫佚圖度天命殞屑

有辭與多士言桀大淫佚有辭義同殷之亡非自取乎以下二章推之此章之上當有闕文

纂註孔氏

曰寇事盡有辭說布在天下呂氏曰寇之播于人口者謂之辭寇之未熟大者傳道瑣屑者未盡舉至惡已熟瑣屑之惡極口歷數一一有辭乃惟有夏圖厥政不集于享天降時

喪有邦間之

集萃也享享有之享桀圖其政不集于享而集于亡故天降是喪亂而俾有殷代之

夏之亡非自取乎

纂註

唐孔氏曰湯是夏之諸侯故曰有邦

乃惟爾商後王逸厥

逸圖厥政不蠲烝天惟降時喪

蠲潔烝進也紂以逸居逸淫洎無度故其為政

不蠲潔而穢烝不烝進而怠惰天以是降喪亡于殷殷之亡非自取乎此上三節皆應上文非天庸釋之語

纂註

陳氏曰上逸過逸也下逸安逸也謂過逸其安逸猶言安其危

醇子醇

孔氏曰不潔進于善

惟聖罔

蠲潔日進

張氏曰烝升也猶言穢德升聞

念作狂惟狂克念作聖天惟五年須臾之子孫誕作民

主罔可念聽

聖通明之稱言聖而罔念則為狂矣愚而能念則為聖矣紂雖昏愚亦有可改過遷

善之理故天又未忍遽絕之猶五年之久須待暇寬于紂覲具克念大為民主而紂無可念可聽者五年必有指實而言孔氏牽合歲月者非是或曰狂而克念果可為聖乎曰聖固未易為也狂而克念則作聖之功知所

向方太甲其庶幾矣聖而罔念果至于狂乎曰聖罔無所謂罔念也禹戒舜曰無若丹朱傲惟慢遊是好一念之差雖未至于狂而狂之理亦在是矣輯錄艾軒云文此人心惟危聖人拳拳告戒豈無意哉輯錄字只看易曉處如尚書惟聖罔念作狂惟狂克念作聖不與上下文相似下文便不可曉只看這兩句即或謂性相近習相遠惟上智與下愚不移書中謂惟聖罔念作狂惟狂克念作聖若如此只又有移得者如何文公曰上智下愚不移如狂作聖則有之既是聖人決纂註王氏曰操不到作狂此只是甚言不可不學經說纂註則存舍則亡其心之謂歟思曰睿睿作聖操其心以思所謂念也罔念雖聖可以作狂故克念則狂亦可以作聖林氏曰念不念之間聖狂之所以分也苟其質之聖矣自恃其聖而不之思日復一日天命之性蓋就彫喪其作狂也何有苟其質之狂矣自取其狂而思之日復一日天命之性忽然而復其作聖也何有陳氏經曰子曰惟

上智與下愚不移書乃曰聖可作狂狂可作聖則可移
歟曰孔子之言聖狂之成也其習既成則不移矣書之
言聖狂之分也聖狂之分生于一念之頃堯舜而忘兢
業豈不趨于狂桀紂而能改過遷善豈不趨于聖孔子
雖曰不移實有可移之理但恐下愚自暴自棄不肯移
耳肯移之是狂之克念也公言此者明紂之為惡倘一
旦改悔天不終棄之也李氏樹曰紂惡甚矣天猶待
之如此見天心仁愛人君自非大無道天皆欲扶持而
全安之惟終無悛心所以禍不可遏也林氏曰晉武
帝以孫皓淫暴有問罪之志王濬曰孫皓荒淫宜速征
伐若一旦皓死更立賢主則強敵也晉武之心惟恐吳
之有賢主武王之心惟恐紂之不能改過觀于晉武尤
知武王之為德新安陳氏曰天惟求爾多方大動
惟至子孫必脫誤之字難通

以威開厥顧天惟爾多方罔堪顧之

紂既罔可念聽天
于是求民主於爾

多方大警動以祿祥謹告之威以開發其能受眷顧之命者而爾多方之衆皆不足以堪眷顧之命也

我周王靈承于旅克堪用德惟典神天天惟式教我用

休簡畀殷命尹爾多方

典主式用也克堪者能勝之謂也德輜如毛民鮮克舉之言德

舉者莫能勝也文武善承其衆克堪用德是誠可以為神天之主矣故天式教文武用以休美簡擇畀付殷命以正爾多方也呂氏曰式教用休者如之何而教之也文武既得乎天天德日新左右逢原其思也若或啓之其行也若或翼之乃天之所以教而用以昌大休明者也非諄諄然而教之也此章深論天下向者天命未定眷求民主之時能者則得之孰有過汝者乃無一能當天之眷今天既命我周而定于一矣爾猶洵洵不靖欲何為邪明指天命而警服四

纂註

呂氏曰前論夏之亡海姦雄之心者莫切于是本于不克靈承于旅

此論周之興亦曰靈承于旅文武于德能勝而用之其力過孟賁遠矣漢唐賢主豈無欲布德于天下者惟力薄而奪于私欲故馭而不統是知德非真力則莫能勝莫能用也新安陳氏曰克堪二字下得極有力非有仁以為己任之弘無死而後已之毅不能堪而用之也克堪用之必有非力之力如真積力久之力而後可陳氏大猷曰可為神與天之主山川宗社之得其安三光寒暑之得其序皆人君有以主之今我曷

敢多詰我惟大降爾四國民命

言今我何敢如此多詰我惟大降宥爾四國民

命舉其宥過之恩而責其遷善之實也

爾曷不忱裕之于爾多方爾曷不

夾介乂我周王享天之命今爾尚宅爾宅畋爾田爾曷

不惠王熙天之命

夾夾輔之夾介賓介之介爾何不誠信寬裕于爾之多方乎爾何不夾輔

介助我周王享天之命乎爾之叛亂據法定罪則猶其宅收其田可也今爾猶得居爾宅耕爾田爾何不順我王室各守爾典以廣天命乎

纂註

呂氏曰教以誠信寬裕惟詐故迫惟誠故

裕陳氏大猷曰又我周王如又用厥辟之又謂治其君之事

爾乃迪屢不靜爾心未

愛爾乃不大宅天命爾乃屑播天命爾乃自作不典圖

忱于正

爾乃屢蹈不靜自取亡滅爾心其未知所以自愛邪爾乃大宅安天命邪爾乃輕棄天命邪爾

乃自為不法欲圖見信于正者以為當然邪此四節責其不可如此也

纂註

王氏曰我以道迪汝屢矣

而猶不靜

陳氏大猷曰自作不典亂綱常之事苟欲人信以為正蓋四國從殷以求興復自以為正義也

我惟時其教告之我惟時其戰要囚之至于再至于三

乃有不用我降爾命我乃其大罰殛之非我有周秉德

不康寧乃惟爾自速辜

我惟是教告而誨諭之我惟是戒懼而要囚之今至于再至于

三矣爾不用我降宥爾命而猶徂于叛亂反覆我乃其大罰殛殺之非我有周持德不安靜乃惟爾自為凶逆

以速其篡註

孔氏曰教告之謂訊之以文詰戰要囚謂誅其禍亂執其朋黨再謂三監淮夷叛三

謂即政又叛言迪屢不靜之事

唐孔氏曰昭十三年

說戰法云告之以文辭董之以武師告以文辭數其罪也戰要囚謂戰敗其師執取其人受其要辭而囚之至于再三明此指伐紂也

陳氏大猷曰教告如大詰多

士之訓戰要囚如東征踐奄之師

王曰嗚呼猷告爾有方多士暨殷多

士今爾奔走臣我監五祀

監監洛邑之遷民者也猶諸侯之分民有君道焉所以謂

之臣我監也言商士遷洛奔走臣服我監于今五年矣
不曰年而曰祀者因商俗而言也又案成周既成而成
王即政成王即政而商奄繼叛事皆相因纘一二年耳
今言五祀則商民之遷固在作洛之前矣尤為明驗

越惟有胥伯小大多正爾罔不克臬

臬事也周官多以
胥以伯以正為名

胥伯小大衆多之正蓋殷多士授職于洛共長治遷民
者也其奔走臣我監亦久矣宜相體悉竭力其職無或
反側偷情而纂註息齋余氏曰臬不當與康誥
異訓孔云汝無不能用法自作不
不能事也

和爾惟和哉爾室不睦爾惟和哉爾邑克明爾惟克勤

乃事

心不安靜則身不和順矣身不安靜則家不和順
矣言爾惟和哉者所以勸勉之也和其身睦其家

而後能協于其邑矧然有恩以相愛聚然有文以相接
爾邑克明始為不負其職而可謂克勤乃事矣前既戒

以罔不克果故以克勤乃事期之也

爾尚不忌于凶德亦則以穆穆在乃

位克閱于乃邑謀介

忌畏也穆穆和敬貌頑民誠可畏矣然如上文所言爾多士庶幾不

至畏忌頑民凶德亦則以穆穆和敬端處爾位以潛消其悍逆悖戾之氣又能簡閱爾邑之賢者以謀其助則民之頑者且革而化矣尚何可畏之有哉成王誘掖商士之善以化服商民之惡其轉移感動之機微矣哉

爾乃自時洛邑尚永力畋爾田天惟畀矜爾我有周惟

其大介賚爾迪簡在王庭尚爾事有服在大僚

爾乃自時洛邑

庶幾可以保有其業力畋爾田天亦將畀予矜憐于爾我有周亦將大介助賚錫于爾啓迪簡拔置之王朝矣其庶幾勉爾之事有服在大僚不難至也多士篤商民嘗以夏迪簡在王庭有服在百僚為言故此因以勸勵之也

纂註

新安陳氏曰自王曰嗚呼猷告爾有方多士至此

一章專提起胥伯正告之介如佑賢輔德賚如錫之山川土田蓋遷殷民時就拔其豪俊為胥伯正以共長治之乃用其素所服習者此安集新民之要道故今特勸勵之使表率殷士殷民而躋泰和也 呂氏曰多士序商民之怨周曰夏迪云云則以大義裁之此乃以迪簡云云為勸何也爵位上之所命非下之可干自其怨望而許之姑息之政也示以好惡而勸之磨礪之具也此周公御商士之開闢大用也

王曰嗚呼多士爾不克勸忱我命爾

亦則惟不克享凡民惟曰不享爾乃惟逸惟頗大遠王

命則惟爾多方探天之威我則致天之罰離逖爾土

告

將終乃歎息言爾多士如不能相勸信我之誥命爾亦則惟不能享上凡爾之民亦惟曰上不必享矣爾乃放

逸頗僻大違我命則惟爾多士自取天威我亦致天之
罰播流蕩折俾爾離遠爾土矣爾雖欲宅爾宅畋爾田
尚可得哉多方疑當作多士上章既勸之以休此章則
董之以威商民不惟有所慕而不敢違越且有所畏而
不敢違

纂註

王氏曰上告以承之
庸之此告以威之也

王曰我不惟多誥我

惟祇告爾命

我豈若是多言哉我惟敬告
爾以上文勸勉之命而已

纂註

陳氏曰
我豈欲

多言以告惟敬告爾以天命而已不知天命乃商民之
病根故此篇言天命尤詳張氏曰稱天者無慮二十
稱帝

者三

又曰時惟爾初不克敬于和則惟我怨

與之更始
故曰時惟

爾初也爾民至此苟又不能敬于和猶復乖亂則自底
誅戮毋我怨尤矣開其為善禁其為惡周家忠厚之意
于是篇尤為可見呂氏曰又曰二字所以形容周公
之倦倦斯民會已畢而猶有餘情語已終而猶有餘語顧

盼之光猶瞋然纂註呂氏曰是又爾更端為善之一初
溢于簡冊也也蓋殷民與紂同惡武王克紂是

維新之一初也不能而從三監之叛則既失此初矣遷
洛又一初也復不能而屢迪不靜則又失此初矣今歸
自踐奄而又為多方之誥丁寧反覆論以時惟爾初初
之過一皆洗滌今之善當相與維新豈非又一初乎若
又失此初不能敬以納民于和則永無可望矣但曰則
無我怨而自取誅戮之意隱然于不言之表周家忠厚
何其至哉

立政

吳氏曰此書戒成王以任用賢才之道而
其意旨則又上戒成王專擇百官有司之

長如所謂常伯常任準人等云者蓋占者外之
諸侯一卿已命于君內之卿大夫則亦自擇其
屬如周公以蔡仲為卿士伯冏謹簡乃僚之類
其長既賢則其所舉用無不賢者矣葛氏曰誥

體也今文纂註呂氏曰無逸立政二篇相為經古文皆有緯以無逸之心明立政之體若

道備矣自立政而後周公不復有書納忠于王此其絕筆也為治體統固臻其極至于反覆申重之意忠愛惇篤之誠深長遠大之慮學者當于言外體之

周公若曰拜手稽首告嗣天子王矣用咸戒于王曰王

左右常伯常任準人綴衣虎賁周公曰嗚呼休茲知恤

鮮哉

此篇周公所作而記之者周史也故稱若曰言周公帥羣臣進戒于王贊之曰拜手稽首告嗣天子

王矣羣臣用皆進戒曰王左右之臣有牧民之長曰常伯有任事之公卿曰常任有守法之有司曰準人三事之外掌服器者曰綴衣執射御者曰虎賁皆任用之所當謹者周公于是歎息言曰美矣此官然知憂恤者鮮

矣言五等官職之美而知憂其得人者少也吳氏曰
綴衣虎賁近臣之長也葛氏曰綴衣周禮司服之類
虎賁周禮之纂註唐孔氏曰周公既拜手稽首而後
虎賁氏也發言還自言拜手稽首者示己重
其事欲君受其言如名詰言拜手稽首旅王若公亦
是召公自言與此同也陳氏大猷曰嗣天子今臨
政天下矣此王初即政時前此幼冲皆倚成于公故
誓之如此用悉意以告王林氏曰下文宅乃牧即
常伯此以為伯下以為牧以伯為牧民之長也而曰左
右者以牧伯無公卿也三宅固不可不得人然進見有
時虎賁綴衣之類則朝夕與王處最親且密苟非其人
則主德內蔽大臣雖賢何所施其力哉呂氏曰常伯
等即三宅三代之書他無所見意者公卿輔相之別名
歟官有別名如相曰阿衡保衡三卿曰圻父農父宏父
此亦三代輔政大臣別名耳綴衣虎賁特于侍御僕從
中錯舉二者以見其餘耳職重者有安危之寄職親者

有習染之移其繫天下之本一也能休嘉此數職知憂
恤審擇之者鮮矣先言休茲而繼以知恤必知建官之
美意然後深以為恤也三宅左右大臣緹衣虎賁左右
小臣職有大小而經綸庫濟熏陶涵養知其美而加之
憂庶不以非人處之矣新安陳氏曰常伯等孔氏蘇
氏分三公六卿有司傳即此說宜以分配三宅皆為大
臣若謂三公論道他事不當及之若謂六卿則準人豈
非司寇又豈六卿外他有平法之準人乎要之三宅不
過王左右大臣之別名呂說得之宅事常任所職必廣
凡任事之大臣也宅牧常伯主牧養之大臣也宅準準
人主平法之大臣也何公卿上官有司之分哉又案虞
有十二牧夏周有九牧皆在邦國意必有大臣在朝者
以統之如虞四岳統十二牧周六卿倡九牧立政所謂
常伯宅牧必掌牧養而在朝以統牧伯者歟又案成戒
蔡氏謂公帥羣臣羣臣用皆進戒終篇不見羣臣進戒
之意以後章咸告孺子王矣證之咸不過訓皆謂公皆

以告戒王耳咸戒
咸告義只一同

古之人迪惟有夏乃有室大競籲俊

尊上帝迪知忱恂于九德之行乃敢告教厥后曰拜手

稽首后矣曰宅乃事宅乃牧宅乃準茲惟后矣謀面用

丕訓德則乃宅人茲乃三宅無義民

古之人有行此道者惟有夏之君當

王室大強之時而求賢以為事天之寶也迪知者蹈知而非苟知也忱恂者誠信而非輕信也言夏之臣蹈知誠信于九德之行乃敢告教其君曰拜手稽首后矣云者致敬以尊其為君之名也曰宅乃事宅乃牧宅乃準茲惟后矣云者致告以叙其為君之寶也茲者此也言如此而後可以為君也即臯陶與禹言九德之事謀面者謀人之面貌也言非迪知忱恂于九德之行而徒謀面之面貌用以為大順于德乃宅而任之如此則三宅之

人豈復有賢者乎蘇氏曰事則向所謂常任也牧則向所謂常伯也準則向所謂準人也一篇之中所論宅俊者參差不齊然大要不出是三者其餘則皆小臣百執事也吳氏曰古者凡以善言語人皆謂之教不必自上教下而後

桀德惟乃弗作往任是惟暴德罔後

夏桀惡德弗作

謂之教也

往昔先王任用三宅而所任者乃

輯錄

茲乃三宅無義民據此三宅即

上文宅事宅牧宅準之宅今孔氏蘇氏以為居無義之民猶舜典五宅三居之意呂氏以三宅無義民一句接下句桀德惟乃弗作往任謂當桀之時居三宅者曾無義民未知二說孰長先生曰呂說是

答滿子善

纂

註

林氏曰惟禹以籲俊為心故其臣亦以薦揚為務王氏曰籲俊之道在乎迪知忱恂于九德之行

呂

氏曰統名之則曰俊而所以為俊者則有九德之別苟不能實知篤信于有德之行雖號召賢俊猶無益也自

臯陶以九德告禹夏后蓋世守以為知人之法焉夏之臣既以宅三宅告其君于是謀以博詢之而以親驗之用其大順于德者必如是乃可謂能宅人蓋大任不可輕付大德不可小知必參人已然後盡也方夏之盛任三宅者如此之詳及其衰也並至于曾無義民言皆不義之人無一君子也茲乃云者此乃三宅之位非他位也猶無義民則他可知矣然非人才果異往日也桀之惡德弗作往日之任用而已往惟俊德是任效見于有室大競桀惟昏德是任效見于絕世無後信乎存亡在所任也陳氏大猷曰宅者居而安之之謂或才德不稱或委任不篤皆非宅也新安陳氏曰無競維人中之俊乃天生之以適國家者俊非徒才俊必有德如所謂以克俊有德臯陶亦曰九德咸事俊又在官未嘗岐俊德而二之宅乃事用大臣以宅君之事也下放此亦越成湯陟丕釐上帝之耿命乃用三有宅克即宅曰

三有俊克即俊嚴惟丕式克用三宅三俊其在商邑用

協于厥邑其在四方用丕式見德

亦越者繼前之辭也
耿光也湯自七十里

升為天子典禮命討昭著于天下所謂陟丕釐上帝之光命也三宅謂居常伯常任準人之位者三俊謂有常伯常任準人之才者克即者言湯所用三宅實能就是位而不曠其職所稱三俊實能就是德而不浮其名也三俊說者謂他日次補三宅者詳宅以位言俊以德言意其儲養待用或如說者所云也惟思式法也湯于三宅三俊嚴思而丕法之故能盡其宅俊之用而宅者得以效其職俊者得以著其才賢智奮庸登于至治其在商邑用協于厥邑近者察之詳其情未易齊畿甸之協則純之至也其在四方用丕式見德遠者及之難其德未易徧觀法之同則大之至也至純至大治道無餘蘊矣曰邑曰四方者各極其遠近而言耳

纂註

陳氏

大猷曰事事物物之理莫非天命之流行典禮刑賞則其大者湯升天位大理治上帝之明命謂大治天下使事物昭然各當于理即丕釐上帝之耿命也 息齋余氏曰陟句為是 呂氏曰漢高儲參陵平勃於身後迄定再世之亂孔明儲琬禕允維于身後亦維持數十年况三代為天下長慮固宜儲三俊以繼三宅也嚴維丕式嚴思賢者惟大則效之然後能用宅俊之前知之者惟湯既尹而後臣之具一證也未用宅俊之前知之者惟湯既用之後則夫人而信之 新安陳氏曰上文嚴惟丕式君大法乎賢也此之用丕式下之人亦因之而大法乎賢也湯用三宅而且儲三俊以供無窮之用上廣夏后之所未及而下為文武之所取法焉 嗚呼

其在受德賢惟羞刑暴德之人同于厥邦乃惟庶習逸德之人同于厥政帝欽罰之乃伴我有夏式商受命奄

甸萬姓

羞刑進任刑戮者也庶習備諸衆醜者也言紂德強暴又所與共國者惟羞刑暴德之諸侯所

與共政者惟庶習逸德之臣下上帝敬致其罰乃使我周有此諸夏用商所受之命而奄甸萬姓焉甸者并牧其地什伍纂註王氏曰羞進也有崇尚之意桀紂所用非其民止人皆本于身有惡德故曰桀德受德者推

本言之也呂氏曰論夏商之興亡不出于任用得失之間立政之體統端在此矣亦越文王武

王克知三有宅心灼見三有俊心以敬事上帝立民長

伯

三宅三俊文武克知灼見皆曰心者即所謂迪知忱恂而非謀面也三宅已授之位故曰克知三俊未任

以事故曰灼見以是敬事上帝則天職修而上有所承以是立民長伯則體統立而下有所寄人君位夫人之兩間而俯仰無作者以是也夏之尊帝商之丕釐周之敬事其義一也長如王制所謂五國以為屬屬有長伯

如王制所謂二百十一國

纂註

呂氏曰論成湯文武皆以爲州州有伯是也

相參也桀之時若不可爲矣亦于成湯而遽如是焉紂之時若不可爲矣亦于文武而遽如是焉治亂同機而異發聖狂同心而異念賢才同世而異用人君蓋于此深省乎三宅共政者也知其心者猶未盡則不能無間惟文武真能知其心也三俊待用者也未與事遇則底蘊不外見惟文武灼然見其心也知宅俊皆曰心者君臣相與萬化之原苟貌觀口惠相期于肝膽之外則無其本矣新安陳氏曰立民長伯當時宅俊或有出而封爲長伯者歟諸侯入爲王官王官出爲諸侯古常有之

立政任人準夫牧作三事

言文武立政三宅之官也任人常任也準夫準人也牧常伯也以職言故曰事

虎賁綴衣趣馬

小尹左右攜僕百司庶府

此侍御之官也趣馬掌馬之官小尹小官之長攜僕攜持

僕師之人百司若司表司服庶府若內府天府之屬也

大都小伯藝人表臣百司

太史尹伯庶常吉士

此都邑之官也呂氏曰大都小伯者謂大都之伯小都之伯也大都

言都不言伯小伯言伯不言都互見之也藝人者卜祝巫匠執技以事上者表臣百司表外也表對裏之辭上文百司蓋內百司若內府內司服之屬所謂裏臣也此百司蓋外百司若外府外司服之屬所謂表臣也太史者史官也尹伯者有司之長如庖人內饗膳夫則是數尹之伯也鍾師尹鍾磬師尹磬大師司樂則是數尹之伯也凡所謂官吏莫不在內外百司之中至于特見其名者則皆有意焉虎賁綴衣趣馬小尹左右攜僕以扈衛親近而見庶府以冗賤人所易忽而見藝人恐其或興淫巧機詐以蕩上心而見太史以奉諱惡公天下後世之是非而見尹伯以大小相維體統所繫而見若大都小伯則分治郊畿不預百司之數者既條陳歷數文

武之衆職而總結之曰庶常吉士庶衆纂註復齋董氏
也言在文武之廷無非常德吉士也

大都公之采邑小都卿之采地是也古人立言
之法有互文見意者如詩鉦人伐鼓之類是也司徒司

馬司空亞旅此諸侯之官也司徒主邦教司馬主邦政

得人也諸侯之官獨舉此輯錄司徒司馬司空亞旅不
者以其名位通于天子歟知何故敘于太史尹伯

庶常吉士之下呂氏以為諸侯之官未知是否先生曰
謂三官之副與其屬耳亞謂小司徒之屬旅即下士也
見周禮序官纂註陳氏曰尹伯舉其長言之亞
答諸子善旅舉其屬言之互相備也夷微盧

燕三毫阪尹此王官之監于諸侯四夷者也微盧見經
毫見史三毫蒙為北毫穀熟為南毫偃師

為西毫燕或以為衆或以為夷名阪未詳古者險危之
地封疆之守或不以封而使王官治之參錯于五服之

間是之謂尹地志載王官所治非一此特舉其重者耳
自諸侯三卿以降惟列官名而無他語承上庶常吉士
之文以內見外也夫上自王朝內而都邑外而諸
侯遠而夷狄莫不皆得人以爲官使何其盛歟

纂註

王氏曰此篇屢言三宅而先後之序不同
者官使之際皆當致謹初無一定之先後也

文王惟克厥

宅心乃克立茲常事司牧人以克俊有德

文王惟能其三宅之心能

者能之也知之至信之篤之謂故能立此常任常伯用
能俊有德也不言準人者因上章言文王用人而申克
知三有宅心之輯錄

文王惟克厥宅心人皆以宅心爲處心非也即前面所說三有宅心

爾若處心則云

纂註

孔氏曰文王惟其能居心曰前章數敘文武衆職已詳復恐

呂氏

成王覽其目而不議其綱也故極本原以示之心者萬
事之綱也君心既宅安厥攸居則經世事業皆此心之

建立也舉世人才皆此心之感應也文王之官繁矣曷
嘗求之外哉惟能宅心而已真氏曰不曰克宅厥心
而曰克厥宅心猶臯謨不曰慎修厥身而曰慎厥身修
也新安陳氏曰以宅心為三宅之心與上文克知三
有宅心合為一說免添出文王自宅心一脚豈不甚好
然如蔡氏所謂能其三宅之心于文理欠順否則克字
下或脫一知字或厥字
本知字之誤乃可耳
文王罔攸兼于庶言庶獄庶慎

惟有司之牧夫是訓用違

庶言號令也庶獄庶訟也庶

職主者牧夫牧人也文王不敢下侵庶職惟于有司牧
夫訓敕用命及違命者而已漢孔氏曰勞于求才逸于
任纂註呂氏曰庶言謂凡奏請訴訟庶獄謂凡刑辟訊
賢黜庶慎謂凡事繫利害而當謹戒者

庶獄庶慎文王罔敢知于茲

上言罔攸兼則猶知之特不兼
其事耳至此罔敢知則若未嘗

知有其事蓋信任之並專也上言庶言此不及者號令出于君有不密不知者故也呂氏曰不言罔知于茲而曰罔敢知于茲者徒言罔知則是莊老之無為也惟言罔敢知然後見文王敬畏思不出位之意豪釐之辨學者宜精纂註呂氏曰罔敢知不及庶言者事未施行則察之謂之言既施行則獄與慎可包之矣王

氏曰君道以擇人為職上必無為而用天下下必有為而為天下用此君臣之分也新安陳氏曰上文雖及常事司牧人而不及準人庶獄即準人之事也此篇論三宅有全言之者有舉其二者有舉其一者參錯及之耳亦越武王率惟敕功不敢替厥義德率惟謀從容德

以並受此丕丕基

率循也敕功安天下之功義德義德之人容德容德之人蓋義德者有操

亂反正之才容德者有休休樂善之量皆成德之人也周公上文言武王率循文王之功而不敢替其所用義

德之人率循文王之諱而不敢違其容德之士意如魏叔閑天散宜生泰顓南宮括之徒所以輔成王業者文用之于前武任之于後故周公于君奭言五臣克昭文王受有殷命武王惟茲四人尚迪有祿正猶此敘文武用人而言並受纂註孔氏曰亦于武王循惟文王撫安此丕丕基也天下之功不敢廢其義德人循惟

文王寬裕之德呂氏曰文王一怒而安天下之民安氏所謂救功一怒所謂義德也武王亦一怒而安天下之民所以率惟不敢替者也肆不殄厥愠亦不隕厥問文王之容德也不泄邇不忘遠邇邇并包所以率惟謀從之者也容德聖人所尚故率惟謀從義德非聖人所專任則迫于不得已而不敢替焉蔡初王氏曰紂用暴德逸德之人正與此相反新安陳氏曰蔡氏承上文之用三宅而言蓋不改父之臣之意此說出于夏氏真氏取之以具切于立政用人故也然深繹文意曰不敢替厥曰率惟謀從恐孔呂之說為得本來語意之實耳

嗚呼孺子王矣繼自今我其立政立事準人牧夫我其克灼知厥若丕乃俾亂相我受民和我庶獄庶慎時則

勿有間之

我者指王而言若順也周公既述文武基業之大歎息而言曰孺子今既為王矣繼此以

往王其于立政立事準人牧夫之任當能明知其所順順者其心之安也孔子曰察其所安人焉廋哉察其所順者知人之要也夫既明知其所順果正而不他然後推心而大委任之使展布四體以為治相助左右所受之民和調均齊獄慎之事而又戒其勿以小人間之使得終始其治此任人之要也民而謂之受者言民者乃受之于天受之于祖宗
纂註
呂氏曰一篇之間所謂王非成王之所自有也矣者蓋屢言而屢歎之深恐成王平日委重視成今猶不自知身當職分之大故警之不一而足也
陳氏大猷曰我者我其君若臣一

體也 張氏曰王繼文武以立政可謂難矣而難之中
自有簡易之道亦曰立事準人牧夫我其克灼知厥若
而已知三宅之心即所以立政 復齋董氏曰孔氏以
立政為大臣立事為小臣諸家皆以立政立事為一意
而于準人牧夫則以為舉其二而包其一理所未安竊
意從張氏之說則立政乃作書之本意立事乃任人之
官庶于經意為兩得 蔡初王氏曰提起立政二字最
是下文商人周文王立政國則固有立政用儉人在今
後嗣王立政皆是提起作書之本意立政之要在事
牧準人 新安陳氏曰立政下列三宅則並有立事字
立政下不列三宅則無立事字尤是顯
證蔡氏于後一節似悟此意惜于此欠明 自一話一言我
則未惟成德之彥以久我受民 未終維思也自一話一
言之間我則終思成德
之美士以治我所受之 纂註 王氏曰一話言一事之始
民而不敢斯湏忘也 終也一言一句而已 漸

安陳氏曰相受民牧之責也和庶獄非之責也和庶所當慎之事事之責也三宅備矣詰言樞機之發也委任三宅欲勿以小人間之苟或一詰言間微不終于專主君子則小人乘間而入之矣此公戒王以委任三宅專一周密之法也

嗚呼予旦已受人之微言咸告孺子王矣繼自

前所言禹湯文

武任人之事無非至美之言我聞之于人者已皆告孺子王矣文子文孫者成王武王之文子文王之文孫也成王之時法度彰禮樂著守成尚文故曰文誤失也有所兼有所知不付之有司而以己誤之也正猶康誥所謂正人與宮正酒正之正指當職者為言不以己誤庶獄庶慎惟當職之人是治之下文言其勿誤庶獄惟有司之牧夫

纂註

孔氏曰惟以正是之道治衆獄衆慎即此意

蘇氏曰

心有邪正事有是非正心而求

理之是未有不得也 呂氏曰簡畀正人付之獄慎使之
以正法斷刑以正理揆事所謂正道也苟不知正道雖
惴惴欲其勿誤能勿誤乎 自古商人亦越我周文王立政立事牧夫

準人則克宅之克由繹之茲乃俾乂

自古及商人及我周文王于立政所

以用三宅之道則克宅之者能得賢者以居其職也克
由繹之者能紬繹用之而盡其才也既能宅其才以安
其職又能繹其才以盡其纂註 陳氏曰繹如繹絲謂窮
用茲其所以能俾乂也歟 其端緒克宅任之當矣
又紬繹之詳其所行考其所就猶堯之詢事考言舜之
明試考績也 呂氏曰由繹由其外而繹其中也由其
言而繹其心由其才而繹其德由其發舒于一時而繹
其持久于歲晏者繹之蓋不一端而足也克宅之則人
與位相稱克由繹之則表裏相符其審如是 國則罔
然後俾之為治既俾之為治則一委之其人矣 國則罔

有立政用儉人不訓于德是罔顯在厥世繼自今立政

其勿以儉人其惟吉士用勩相我國家

自古為國未有立政用儉利小

人者小人而謂之儉者形容其茫茫便捷之狀也儉利小人而不順于德是無能光顯以在厥世王當繼今以往立政勿用儉利小人其惟用有常吉士使勉力以輔相我國家也呂氏曰君子陽類用則升其國于昌明小人陰類用則降其國于晦昧

纂註

孔氏曰儉利之人不順于德是使其君無顯名

在其世

蘇氏曰見細德之顯微是謂儉人

張氏曰

儉人者傾巧辨給之人詐足飾非言足拒諫悅其心則譽桀紂為堯舜失其意則誣伯夷為盜跖陳氏大猷曰儉人矯飾以為德然非其心之所順與不訓厥若正相反呂氏曰人主惟以別白君子小人之為職國之興亡常必由之此篇反覆于君子小人之際有旨哉文武

有庶常吉士公復以其惟吉士望王召公之歌詩王多吉士亦至于再穆王命伯冏吉士猶在口也是則周家父祖所傳師保所訓子孫所守惟在吉士一代治體可識矣儉人者吉士之反周之家法所嚴惡斥絕者也

今文子文孫孺子王矣其勿誤于庶獄惟有司之牧夫

始言和我庶獄庶慎時則勿有間之繼言勿誤于庶獄庶慎惟正是以之至是獨曰其勿誤于庶獄惟有司之牧夫蓋刑者天下之重事繫其重而獨舉之使成王尤知獄刑之可畏必專有司牧夫之任而不可以已誤之也

纂註

呂氏曰獄曷為獨重也民命所繫亦國命所繫也導迎善氣祈天永命者獄也並告無辜無世在下

者亦獄也宜周公獨言而獨戒之

蔡氏元度曰以庶

獄庶慎對庶言則獄慎尤重故不及庶言以庶獄對庶慎則庶獄尤重故不及庶慎唐孔氏曰言庶獄欲其重刑言有司牧夫欲其謹官人王氏曰獄者政之終牧

者官之長政舉其終官
舉其長則無不舉矣

其克詰爾戎兵以陟禹之迹方

行天下至于海表罔有不服以觀文王之耿光以揚武

王之大烈

詰治也治爾戎服兵器也陟升也禹迹禹服舊迹也方四方也海表四裔也言德威所及

無不服也觀見也耿光德也大烈業也于文王稱德于
武王稱業各于其盛者稱之呂氏曰兵刑之大也故既言
庶獄而繼以治兵之戒焉或曰周公之訓稽其所弊得
無啓後世好大喜功之患乎曰周公詰兵之訓繼勿誤
庶獄之後犴獄之間尚恐一刑之誤况六師萬衆之命
其敢不審而誤舉乎推勿誤庶獄之心而奉克詰戎兵
之戒必非得已不已
纂註 林氏曰呼文子文孫言守成
而輕用民命者也
呂氏曰公非教王用兵恐其宴安而使之自強
如易謙卦言利用侵伐亦是于謙抑之中有自強之意

也是役也蓋奮張其氣而不使墮偷操握其衆而不使扞格摧壓其姦而不使覲覲保治之良圖也古人治兵乃所以弭兵後世銷兵乃所以召兵新安胡氏曰一說方方如此一說嚴正方整以行于天下陳氏大猷曰耿亦光也

嗚呼繼自今後王立政其惟克用常人

并周家後王而戒之也常人常德之人也臯陶曰

纂註

呂氏曰常人之于國也蓋食之穀粟衣之布帛雖無異味異文而有生者常用而不可一日易也然每多重遲未訥不能與小慧新進者爭長于頰舌之間故世主惑于取舍而治亂分焉此周公所以慨歎而深致意于卒章歟陳氏大猷曰理之常行而不可易者為常道行此常理而不易者為常人常言其體之不易言其用之休祥也言常人于兵刑之後

周公若曰太史司寇蘇

公式敬爾由獄以長我王國茲式有慎以列用中罰

此周

公因言慎罰而以蘇公敬獄之事告之太史使其并書以為後世司獄之式也蘇國名也左傳蘇忿生以溫為司寇周公告太史以蘇忿生為司寇用能敬其所由之獄培植基本以長我王國令于此取法而有謹焉則能以輕重條列用其中罰

纂註

孔氏曰忿生為武王司寇封蘇國能用法敬汝所用

之獄言主獄當求蘇公之比此法有所慎行必以其列用中罰不輕不重蘇公所行太史掌六典有廢置官人之制故告之陳氏大輦曰周公舉太史所記蘇公之事以告王蘇公能以法式而敬其所用之獄重民命以延國命治獄者當以為法式而有謹焉列者前後相比猶今言例也以舊事為比而用其輕重之中者也立政以用人為本而兵刑乃政之大者故以此終焉新

安陳氏曰蘇公所以為司寇在乎敬後人之法蘇公在

乎慎能慎則能敬矣固為後之司獄者慮尤為後之君
用人以司獄者慮能如蘇公者則用否則斥蓋以此終
立政用人之意歟兩式字同訓法為優葉氏曰自詰
爾戎兵至此疑有脫簡愚謂周公復政成王而作立
政以王政莫大于用人用人莫先于三宅三宅得人則
百官皆得人而王政立矣公前日攝政猶可無言今歸
政留洛心在王室豈容默乎此立政所以作也一篇之
中宅事牧準其綱領也休茲知恤其血脉也自迪惟有
夏至暴德罔後言夏先后知恤乎此乃室大競休何如
哉桀不知恤也故罔有後而成湯涉焉自亦越成湯至
奄旬萬姓言商先王知恤乎此故用協用見德休何如
哉紂不知恤也故帝罰之而我周式商受命焉自亦越
文王武王至並受丕基言文武亦猶夏商先王之知
恤也是以並受丕基式克至今日休也自孺子王矣至
終篇拳拳以去愆人用常吉詰戎兵謹刑獄為王言蓋
欲王以先王之知恤為法以夏商後王之不知恤為鑒

忠愛之至至
今可抱也



書傳輯錄纂註卷五